

# *IZY IZAY AO ANATINAREO*



Misaotra anao, Rahalahy Neville. Ny Tompo hitahy anao.

Ndao isika hijanona hitsangana vetivety fotsiny raha mivavaka isika. Ndao isika hanondrika ny lohantsika ankehitriny. Ary izay rehetra te-ho tsarovana ao amin'ity vavaka ity, dia atsangano ny tànanareo ka manaova hoe, "Andriamanitra, izaho izany."

<sup>2</sup> Andriamanitra Masina sy Mpiahy indrindra, mitondra an'ity vahoaka ity eo Anatrehanao izahay, miaraka amin'ireo fangatahana izay ananan'izy ireo. Nangataka ny ho tsarovana izy ireo. Ary, Tompo, mitsangana koa ny tànako. Mivavaka Aminao aho mba hamindra fo aminay. Ianao no mahafantatra an'ireo ilainay, ka hivavaka izahay, satria Ianao no nampianatra anay hivavaka hoe, "Ho tonga anie Ny Fanjakanao. Hatao anie ny Sitraponao ety an-tany, tahaka ny any An-danitra." Ray, hangataka famindrampo izahay izao hariva izao, ho an'ny fahalalahän'ny Fanahy, mba hahatonga anay ho afaka hitondra amin'ny olona ny Fahamarinan'ny Filazantsara, sy izay inoanay ho ny Hafatr'ity ora ity, ho an'Ny Fiagonanao. Tompo, mivavaka mba hahatonga anay ho ampahany iray an'ilay Fiagonana izay tsy maintsy hantsoina hivoaka amin'ny andro farany! Ray, raha tsy izany ampahany izany izahay, amin'izay fotoana izay dia ambarao aminay izay tsy maintsy hahatonga anay ho io ampahany io. Ary omeo fahasoavana izahay, hery, ao amin'ity oran'ny fizahan-toetra ity izay eto ambonin'ny tany mba hizaha toetra an'ireo rehetra izay monina eto. Omeo anay Ny Fanahinao Masina, mba hitarika anay sy hitari-dàlana anay, mba ahafahanay amin'ny farany, amin'ny fiafarana, ho tonga eo Aminao am-piadanana, ho an'ilay Fiainana Mandrakizay izay andrasan'ny mpino rehetra hatramin'ny fiandohan'ny fotoana. Ampio izahay, Tompo. Mangataka amin'ny Anaran'i Jesosy izahay. Amena.

Afaka mipetraka ianareo.

<sup>3</sup> Mankasitraka tokoa aho ny amin'ny tombontsoa ahatongavana eto izao hariva izao—izao hariva izao, sy nohon'ny fahasoavan'Andriamanitra izay nomena antsika tamin'ny alàlan'i Jesosy.

<sup>4</sup> Ary noho izany mikasika ny—ny Hafatra aninkeo maraina, ankehitriny, dia tiako ny olona rehetra hahazo tsara mihitsy. Ankehitriny, matoky an'Andriamanitra aho fa tsy mbola izao io fotoana io. Hitanareo? Fa ny Hafatra no fahamarinana. Marina ny Hafatra. Ilay izy dia, ilay izy dia ho indray andro any, raha tsy izao io fotoana io. Ary tena mitovy betsaka amin'ilay fotoana tokoa ilay izy, hany ka nahatsapa tahaka an'i Paoly fahiny aho,

izay nanao hoe, "Tsy nafeniko fa nambarako taminareo ilay Saina manontolo," hitanareo, ny zavatra rehetra izay tokony ho vita.

<sup>5</sup> Nisy zavatra anankiray izay nataoko aninkeo maraina, ka miala tsiny aho fa nilaza an'ilay izy. Izaho—niantso anaran'ny rahalahy iray aho izay neveriko fa ao anatin'ny fahadisoana. Tsy tokony nanao an'izany aho. Tsy miantso anaran'olona iray mihitsy aho; ary raha sendra tonga eny an-tanany ilay horonam-peo. Fa te-hahita azy aho ka hiresaka aminy, satria neveriko fa ilay rahalahy, lehilahy malaza iray, lehilahy tsara iray izay efa nitory teto amin'ny polipitra teto mihitsy, Rahalahy David duPlessis. Ary tsy fanahy iniako ny niantso ny anarany. Nanahy mikasika an'ilay Hafatra aho, sy ny sisa, mikasika ny hoe ahoana moa raha izao io fotoana io, ka niantso ny anaran'ilay rahalahy aho. Tsy manao an'izany aho. Miala tsiny aho nanao an'ilay izy. Tiako Rahalahy David duPlessis. Rahalahintsika izy, ary izaho—tena mihevitra aho fa ny lehilahy manan-tsaina iray tahaka an'izany dia tokony ho nampianarina betsaka tao amin'ny Soratra.

Lazaiko aminareo hoe inona ilay izy. Izany dia, ilay resaka izay nataoko sy David....

<sup>6</sup> Efa niresaka ho ahy izy indray mandeha tao amin'ireo favoriana. Nitory teny mihitsy avy teto amin'ity polipitra ity izy, na ilay fiangonana fahiny, avy teto amin'ity polipitra ity mihitsy. Ary ny rahalahiny, Justus, no mpandika teniko tany Afrika Atsimo, izay hiverenako. Ary izy ireo dia avy amin'ny fianakaviana mahafinaritra iray, tokantrano Pentekotista, olona tena mahafinaritra iray. David no, mino aho, ilay mpitari-draharaha, indray mandeha, an'ny World Pentecostal Assemblies, ary tao amin'ny Pentecostal World Conference. Izy no anankiray tamin'ireo mpitari-draharaha. Ary taty aoriana dia tonga teto Etazonia izy ka nipetraka, tany Texas, niaraka tamin-dRahalahy Gordon Lindsay, ary avy eo dia nanomboka nitory teny fotsiny nanerana ny toerana samihafa.

<sup>7</sup> Fa ilay izy dia, teo amin'izay neveriko fa nanaovan'ny rahalahintsika sarobidy ny fahadisoana; tahaka ahy voan'izany, na olona hafa iray; nanomboka nifanaraka tamin'ireo ambony-sy-ambony izy. Nanohy niresaka mikasika ny Princeton University sy ireo toerana izay nanasa azy izy, nihevitra fa nanao an'izay marina izy, ary nanesika mololo avy hatrany tao anatin'ilay milina; hitanareo, ary fifaliana tahaka an'izany!

Fa tsy izany ihany, fa ny Full Gospel Business Men, izay manohana ny favoriako, manerana an'izao tontolo izao—manerana. Hitanareo? Izaho—tiako ireo lehilahy ireo, hitanareo, saingy tsy mifanaraka amin'izy ireo tokoa aho eo amin'ireo fitsipika izay izy ireo—izy ireo dia—izy ireo dia....Izy ireo dia efa—izy ireo dia efa niala teo amin'izay, ireo fitsipiny,

izay nanombohany, ary lasa tahaka ny rafi-pandaminana hafa rehetra fotsiny ankehitriny na ny zavatra rehetra. Hitanareo? Ary ilay izy dia, tsy miezaka ny hijanona ho pentekotista izy ireo, fa miezaka ny manafangaro ny pentekosta sy ny sisa amin'izany miaraka.

<sup>8</sup> Ary amiko dia toy ny hoe Rahalahy duPlessis, lehilahy iray mahafinaritra, tsara tahaka an'izany, dia tokony hahafantatra betsaka mikasika ny Soratra hoe rehefa mahita an'ilay virijiny matory izay miezaka mividy Solika izy, dia efa lasa ilay fotoana. Hitanareo? Tsarovy, rehefa tonga nividy Solika izy, dia tsy nisy Solika tavela intsony. Izany no Soratra. Ary hoy izy hoe, "Omeo avy amin'ny Solikareo izahay," tamin'ilay Fianganana, saingy tsy nahazo an'Izany izy. Mety nitsambikina ambony-sy-ambany izy, niteny tamin'ny fiteny tsy fantatra, na inona koa, saingy, araka ny Tenin'Andriamanitra Manokana, dia tsy nahazo an'Izany izy. Ary tany ivelany tao anatin'ny aizina indrindra izy; ary tao no nisy fitomaniana, fidradradradrana, ary fikotroha-nify, rehefa tafiditra ilay Ampakarina voafidy. Ilay—ilay virijiny hendry dia nanana Solika tao amin'ny fanilony.

<sup>9</sup> Ankehitriny, izaho—mahafantatra lehilahy hafa iray aho, nisy zavatra izay nitranga fotsiny indray andro. Ilay izy dia, dia ireo olona mahafinaritra ireo, hitanareo, manana kely iray, fantatrareo izay tiako lazaina, fihazonana kely izay eo anivon'ny olona. Ary ny zavatra voalohany fantatrareo, dia mahatsapa izy ireo fa Andriamanitra no manao an'izany. Nefa matetika, dia ny devoly no manao an'izany. Hitanareo?

<sup>10</sup> Nanana anjara iray nankanesana teo anatrehan'i Heroda Jesosy; Izy dia nanana anjara iray teo anatrehan'ny maro, nefy ireo te-hampiasa Azy ho an'ny fampisehoana. Hitanareo?

Izay ihany no ezahan'izy ireo hanaovana ny Pentekosta. Nivoaka avy tamin'ireo zavatra ireo ny Pentekosta, mba ho hafa. "Fa tahaka ny kisoavavy mankeo amin'ny fotany, sy ny alika mankeo amin'ny lòany, miverina avy hatrany indray," ary ankehitriny dia ao amin'ny Fiombonambe Ekiomenika. Hitanareo? Tena mampalahelo ilay izy. Henatra iray izany.

<sup>11</sup> Andriamanitra anie hitahiry ahy ho kely sy hanetry tena, mba Ahafahany manambara Ny Fahamarinany. Hitanareo? Tsy te-hanao an'izany mihitsy aho; tsy hazavana manjelatra, ary tsy midedadeda sy mamiratra ho an'izao tontolo izao. Avelao aho handray an'ilay lâlana miaraka amin'ireo vitsin'ny Tompo nohamavoina. Avelao aho hijanona amin'ny Teny.

<sup>12</sup> Ankehitriny miresaka ny amin'ny Fiombonambe Ekiomenika izay mikambana amin'i Vatican. Mino ve ianareeo fa afaka hikambana eo amin'ny Teny izy ireo? Mety hikambana izy ireo ao amin'ny rafi-pandaminana, fa tsy afaka mikambana izy ireo eo amin'ny Teny. Hitanareo? Marina izany. Noho izany dia tsy misy na inona na inona hanaovana marimarinatra iraisana.

Hitanareo? Ny rafi-pandaminana iray, mitovy daholo izany, ny zavatra rehetra mitovy; milahatra tanteraka ilay izy, reny sy zanakavavy. Saingy rehefa tonga eo amin'ity Teny ity ilay izy, dia manohitra mafy fotsiny ny Metodista sy Batista ary Presbyterana aho, tahaka ny anoherako ny Katolisisma, satria reny sy zanakavavy izany, arak'ity Teny ity. Ilay izy dia ity Teny izay ijoroako ity, hitanareo, *Ity*, ny Teny rehetra an'Izany.

<sup>13</sup> Ankehitriny, ity rahalahy sarobidy ity, izy sy ny vadiny dia sakazako akaiky. Maro aminareo no efa nahita an'ilay magazina, izay nisy ny hoe ahoana no nahafahan'io rahalahy sarobidy, nirahin'Andriamanitra io namela ny vadiny mihitsy . . . Nisy olona iray nilaza fa izy dia tahaka an'i Jacqueline Kennedy, ary nanao volo nisaritaka tamin'ny iray tamin'ireo taovolo goavana be sy ny sisa izy. Inona izany? Mikambana amin'ireo karazan'olona ireo izy, isan'andro, ka farany . . .

Ny lehilahy tsara iray maka vehivavy ratsy iray, dia na izy ho lasa vehivavy tsara iray na . . . Ny tiako lazaina dia, ny lehilahy tsara iray maka vehivavy ratsy iray, dia na izy ho lasa vehivavy tsara iray na izy no ho lasa lehilahy ratsy iray. Asehoy ahy ny namanareo, dia hoteneniko aminareo hoe iza ianareo. Hitanareo? Izay mitovy ihany, no miaraka. Miala lavitra amin'ny karazanjavatra mamiratra!

<sup>14</sup> Nidina tao amin'ny toeram-pitrandrahana iray aho, indray andro, tany an-tampon'ny tendrombohitra teo amin'ny sisintanin'i Arizona sy—sy Mexico. Izaho sy Rahalahy Sothmann, mipetraka eo, no niaraka tany. Dia niditra tao aho ary nanongotra andiany iray tamin'ny . . . Mitovy amin'ny volamena marina tokoa ilay izy. Saingy ny fomba tokana ahafahanareo miteny fa tsy volamena ilay izy, dia mamiratra tsaratsara kokoa nohon'ny volamena izy. Mamiratra izy. Fa ny volamena dia tsy mamiratra, manjelanjelatra izy. Hitanareo? Ary ny iantsoana azy, dia "volamenan'ny adala." Tsy lafo vidy noho ilay vato izay misy azy akory aza izany. Izany dia antsoina hoe taimby. Heveriko, ao amin'ny—ny . . . Ireo siantifika dia mihambo fa ireo rano sy asidra mitete, sy ny sisa, dia tsy tonga betsaka ao mihitsy mba hanamafy azy sy hitondra azy ao amin'ny toerana iray hanao azy ho volamena. Koa ilay izy—ilay izy dia mamiratra kokoa, saingy tsy manana an'ilay vokatra simika ao anatiny.

Ary tahaka an'izany mihitsy ny betsaka amin'ny mody finoana Kristianisma, hitanareo, hamiratra izany, ary tahaka an'i Hollywood. Saingy ny Fiagonana dia manjelanjelatra amin'ny Filazantsara.

<sup>15</sup> Ankehitriny, anabavy iray eto, vao avy nasehon'i Billy ahy, izay tena tsara fanahy nandeha naka an'ity magazina *Life* ity, ity sary ity, ka nanalehibe azy, avy amin'ilay Anjely fito, ary nitondra an'izany ka nandefa taty amiko. Ity ilay sary. Ary ankehitriny raha hanamarika ianareo eto, rehefa lasa ilay izy,

niverina niakatra, rehefa avy nitondra Ny Hafany ireo Anjely, dia tao amin'ny endrika pyramida iray ilay izy; izay noteneniko taminareo marina tokoa, telo volana talohan'ny nitrangany, hoe ho tahaka ny inona izany. Marina ve izany? [Hoy ny fiangonana hoe, "Amena."—Mpand.]

Ary ilay Anjely malaza, niaraka tamin'ny Elany teo amin'ny ilany, tany ariana, nankany ariana, tsaroanareo ve? Ary hoy aho, "Izy dia nanana ny Lohany...tonga tamin'io hafainganampandeha io." Tsy mahita an'ireo elattra mihitsy aza ve ianareeo eto? Ary io ilay Anjely *eto*, arak'izay nilazana azy marina tokoa.

<sup>16</sup> Ankehitriny, Andriamanitra irery ihany no afaka manao an'izany. Manana sary iray izy ireo mipetraka eto, ihany koa, an'ny vehivavy iray izay nilaza...Matetika, dia milaza ny olona...

<sup>17</sup> Ao amin'ny—ny famantarana, dia hoy aho, "Ity olona ity dia voaaloky ny fahafatesana, aloka mainty iray."

<sup>18</sup> Ankehitriny dia hoy izy ireo hoe, "Eny, izy fotsiny no milaza an'izany" Hitanareo, izany ireo olona izay tsy afaka mandeha hatramin'ny farany, tsy afaka mahita an'izany izy ireo. Afaka mihiakiaka miaraka aminareo izy ireo, afaka izy ireo—afaka miresaka aminareo izy ireo; saingy ilay izy rehefa tonga eo amin'ny hoe tena mino marina tokoa amin'ny rehetra, fanahy sy vatana manontolo, dia tsy afaka manao an'izany izy ireo.

Noho izany, fa hitanareo, raha Andriamanitra no ao amin'izany, ka miteny ny Fahamarinana, dia ity no fotoana farany an'ny tantara. Ity no farany amin'ny tantaran'izao tontolo izao. Eo am-pifaranana izany. Tsy hisy andro intsony, indray andro any. Manamarina ny zavatra rehetra Andriamanitra, ny ara-panahy sy ara-tsiansa.

<sup>19</sup> Rehefa nilaza aho, zazalahy kely iray hoe, "Andrin'ny Hazavana iray, tahaka ny kintana iray."

<sup>20</sup> Firy no mahatsiaro, fa tamin'ny andro fahiny, izy ireo dia niantso an'Izany taloha hoe "Kintana"? Rehefa niseho tany amin'ilay renirano teto Izany, rehefa hoy Izy hoe, "Tahaka an'i Jaona Mpanao batisa, nirahina..."

<sup>21</sup> Ankehitriny, farany, dia Io no nidina, ary azo ny sarin'Izany. Nanana anankiray isika teto taloha, tany ho any. Hia, milaza izy ireo fa etsy amin'ny zoron-trano izany; tsy afaka mahita azy aho. Voaporofa ara-tsiansa fa izany no Fahamarinana.

<sup>22</sup> Ary ankehitriny, ary ny milaza fa ny olona dia "voaaloka." Ankehitriny, teto dia nisy vehivavy iray, sary iray. Io ilay izy, ara-dalàna, tahaka ny sary hafa rehetra fotsiny; tahaka ny anankiray maka an'ity anankiray ity, milina iray. Nilaza aho...Nanontany mikasika an'izany ny olona iray. Ary hoy aho tamin'ilay vehivavy hoe, "Voaaloky ny fahafatesana ianao, miaraka amin'ny homamiadana. Misy aloka mainty iray eo."

Nitodika izy ka naka an'ilay sary. Efa teto ilay vehivavy mba hijoro vavolombelona, ary mety mbola eto izy izao hariva izao, raha araka ny fantatro. Hitanareo?

Ankehitriny, *ity* ilay vehivavy miaraka amin'ny karazana saron-doha mainty iray teo amboniny. Eny àry, ankehitriny, *ity* no porofo siantifika hoe marina izany. Ary vantany vao avy voatonona tamin'ilay vehivavy ny hoe "salama," dia naka sary izy ireo, ka tsy teo intsony ilay izy. Inona no namely an'ilay fitaratra tamin'izany? Ary inona no niala, izay tsy—tsy teo amin'ireo fitaratra rehefa voatonona fa sitrana izy? Hitanareo?

Ankehitriny, nitsangana teto aho, niteny taminareo fa ho tonga ireo Anjely.

<sup>23</sup> Rahalahy Fred, no anankiray... Nahita an-dRahalahy Fred aho vao teo. Nihevitra aho fa teto fotsiny izy, saingy tsy nahita azy any ho any aho. Oh, eto aoriania eto, marina izany. Izy dia nitsangana tany amin'ny—ny maily roa, na maily iray sy sasany, na maily roa, avy teo amin'izay nisy ahy; nandre an'ilay fipoahana, nahatsapa an'ireo vatolampy, sy ny zavatra hafa rehetra, rehefa nandeha izany. Marina ve izany, Rahalahy Fred?

Ary teo ireo Anjely izay niverina niarakaka tamin'ireo Hafatra ireo. Ary eto dia ao amin'ny endrika pyramide mihitsy aza ilay izy, araka ny nanehoako taminareo an'izay hisy eto, niteny taminareo hoe ahoana no hitsanganan'Izy ireo, talohan'ny nialako.

Sary sy sary, manerana ny firenena, no naka an'izany, hatrany Mexico mihitsy, tany amin'ny telopolo maily ny haavony ary fito amby roapolo maily ny halavany. Ary tena avo ka tsy nisy hamandoana na inona na inona akory aza afaka... Ny hamandoana dia tsy mandeha mihoatra ny valo na sivy maily, ny haavony, noho izany dia tany amin'ny toerana izay tsy misy na inona na inona hanao hamandoana izy ireo. Hitanareo? Ary *ity* dia, heveriko fa izany dia na tany amin'ny fito amby roapolo maily ny haavony ary telopolo maily ny halavany, na izany dia—izany dia roapolo—... na telopolo maily ny haavony ary fito amby roapolo maily ny halavany, ny iray na ilay hafa. Ny magazina *Life* no namoaka azy, na *Look*. Iza ilay izy, *Look sa Life?* *Life*, magazina *Life*. Heveriko, ny faha-17-n'ny Mey, ny laharana. Izay ilay izy.

<sup>24</sup> Ankehitriny dia io izy, ara-siantifika, porofo fa izany no Fahamarinana, koa noho izany isika—isika dia tsy manahy mikasika ny hoe raha Fahamarinana izany; sady ara-tsiansa, sy ara-panahy, izay voalaza dia niseho. Noho izany, ny Hafatra an'ireo Tombokase Fito, eo amin'ny famaranany, izany no Hafatry ny Baiboly manontolo. Ireo Tombokase Fito no mamarana ny Testamenta Vaovao ary nanisy tombokase an'izany. Marina izany. Ankehitriny, fantatsika fa izany ilay izy, amin'ny alàlan'ny fitenenana ara-paminaniana, amin'ny

alàlan'ny siantifika, ary amin'ny alàlan'ny Teny. Ny telo no mijoro vavolobelona amin'izany, hoe izany no Fahamarinana.

<sup>25</sup> Noho izany, dia fantatsika fa eo amin'ny andro farany isika. Eto isika. Tsy fantattro hoe hatramin'ny oviana, izaho—izaho... Izy dia tsy hamela antsika hahafantatra an'izany mihitsy, satria Ny Fihaviany dia ho “tahaka ny mpangalatra amin'ny alina.” Ry sakaizako, ry rahalahiko, anabaviko, ndao fotsiny isika ho vonona, na ahoana na ahoana. Ndao fotsiny isika hanadio ny tenantsika. Hitanareo? Satria, handeha hanohy foana izao tontolo izao. Tsy ho fantatr'izy ireo mihitsy akory aza fa efa nitranga izany. Rehefa mikatona ireo varavarany' famindrampo, hitory ny famonjena ireo mpitory teny, mba—mba hanao ny olona hibebaka, dia hanohy avy hatrany tahaka ny nataony foana izy. Nanao an'izany izy tao amin'ireo taona hafa, ary nanao an'izany izy tao... Hanao an'izany izy ao amin'ity taona ity.

Ary ho tena tampoka sy ho tena haingana ny Fampakarana, ka tsy hahita azy ireo mihitsy akory aza izao tontolo izao, hoe efa lasa izy ireo. Marina. Tsy hahafantatra na inona na inona mikasika an'izany izy ireo. Tonga Izy dia mifaoka Azy. Ho efa lasa izany, tsy hahafantatra na inona na inona mikasika an'izany izy ireo.

Noho izany, dia aoka ho ao anatin'ny vavaka. Mivavaha ho ahy. Izaho hivavaka ho anareo. Tsy fantatsika hoe ho rahoviana izany ora izany, saingy mino isika fa tsy ho ela izany. Miala lavitra an'ireo zavatra mamiratra. Mijanòna miaraka amin'ny Filazantsara, hitanareo, mijanòna tsara eo ankehitriny, ka mivavaha.

<sup>26</sup> Ankehitriny, nanoratra taratasy iray ho ahy i Billy eto, na naoty iray raha ny marina, ka nilaza fa misy olona te-hanolotra zazakely iray. Raha marina izany, (izany ve?) dia atsangano ny tånanareo, raha misy... Hia, zazakely roa. Eny àry, ento miakatra avy hatrany izy ireo. Ary Rahalahy Neville... Ary manontany aho raha ho tonga eto vetivety ny anabavintsika ao amin'ny piano, ho an'ny fanoloran-jaza. Tsy te-hamela na inona na inona isika.

<sup>27</sup> Ankehitriny, tsarovy, amin'ny ora toy izao rahampitso hariva, raha sitraky ny Tompo, dia ho any New York City aho. Ary handeha ho any izahay eo amin'ny sahan'ady, mba “hiady ny ady tsaran'ny Finoana.”

<sup>28</sup> Noho izany eto mihitsy, ranabavy, raha sitrakao. Eto aloha eto mihitsy, dia handray azy ireo aho. Eny, madama. Misaotra anao. Ary ankehitriny isika dia...

<sup>29</sup> Firy no hivavaka ho ahy? [Hoy ny fiangonana hoe, “Amena.”—Mpand.] Ankehitriny, raha sitrak’Andriamanitra; saingy, manantena aho fa Sitrany; amin'ny Alahady, amin'ny herinandro... Raha mety tsara amin-dRahalahy Neville ilay izy.

[Hoy Rahalahy Neville hoe, “Tsara izany.”] Amin’ny Alahady, amin’ny herinandro, dia hiverina indray aho, eo amin’ny lâlako mankany Louisiana, ary hijanona ho an’ny favoriana iray eto amin’ny fiangonana. [“Amena.”]

<sup>30</sup> Te-hisaotra anareo rehetra aho nohon’ny fahatsaram-panahinareo. Ilay ramatoa izay nandefa an’ilay vatomamy ho ahy tany, izaho—mankasitraka an’izany aho. Tsy fantattro hoe iza ilay ramatoa. Nisy olona iray nandefa vatomamy iray boaty ho ahy ary mofomamy kely vitsivitsy tahaka an’izany. Ilay izy dia tena, tena natsiro. Voky azy aho izao ankehitriny izao, ary izaho—misaotra anao aho. Ary mihevitra ve ianareo fa tsy misy dikany betsaka ireny zavatra kely ireny? Azo antoka fa misy; famantarana kely. Ary ny olona sasany dia mametraka ny fanomezam-pitiavany kely ao. Ary nampiseho an’izany tamin’i Billy Paul, ka nanome azy ireo, sy ny sisa. Izaho—azoko izany, hitanareo. Tsy fantatrareo hoe toy ny ahoana no ankasitrahako an’izany! Andriamanitra hitahy anareo. Ho tsaroako izany, hitanareo, tsy mihoatra noho izany ve no Ahatsiarovany an’izany. “Arak’izay nataonareo tamin’ny iray tamin’ireo Madiniko, no nataonareo Tamiko.” Hitanareo? Ankehitriny, izay namindra fo no hamindrana fo.

<sup>31</sup> Ankehitriny, manana ankizy kely mahafinaritra vitsivitsy isika eto. Ianareo ve... Tiako ianareo hijanona eo ka hihira ny *Ento Izy Ireo*, rehefa avy eo. Eny àry, ianareo rahalahy miakara eto iray minitra fotsiny.

Oadray, ity no voalohany, maso kely volontany roa no mijery ahy, miaraka amin’ny tsiky iray goavana, mahafatifaty. Zazavavy kely, iza no... [Hoy ilay reny hoe, “Sharon Rose. Sharon Rose.”—Mpand.] Sharon Rose, anarana lehibe iray izany amiko. [“Nanome anarana azy izahay, Ranadahy Branham, ho fahatsiarovana ny anao.”] Ho fahatsiarovana ny zanako vavy kely izay lasa. [“Nanome anarana azy izahay talohan’ny nahaterahany mihitsy aza, Ranadahy Branham.”] Nanome anarana azy talohan’ny nahaterahany. Raha ho zazavavy kely ilay izy, dia hiantso azy hoe Sharon Rose ianareo. [“Azonay antoka fa ho zazavavy iray izy. Tsy maintsy izy.”] Tsy maintsy. [“Sharon Rose Goodman.”]

Mba fantatrareo moa? Tsy fantattro na fantatrareo ilay izy na tsia; raha nitsangana teto ny vadiko, dia mety ho saiky torana izy. Ity dia ilay karazan’akanjo iray ihany izay nanaovan’ny zanako vavy kely tamin’ny fanolorana, Sharon Rose kely. Ity anankiray ity angamba dia mety ho... Enga anie ho velona ity anankiray ity; fa, ny ahy nalain’Andriamanitra.

Iza no anaram-pianakavianareo? [Hoy ilay reny hoe, “Goodman.”] Rtoa. sy... Avy eto amin’ny tanàna ve ianareo? [“Chicago.”] Chicago. Rahalahy sy Ranabavy Goodman, Andriamanitra hitahy anareo.

Fantatrareo, mitovy amin’ity i Sharon keliko. Tsy mihevitra aho fa hisy olona iray eto mahatsiaro azy hoe toy ny ahoana izy. Nanana maso kely volontany tahaka an’izao izy, tahaka ny reniny, zazavavy kely tena mamy niaraka tamin’ny volo mainty. Saiky teo . . .

Firy taona ilay zazakely? [Hoy ilay reny hoe, “Dimy volana.”—Mpand.] Dimy volana. Izy dia valo volana rehefa niantso azy Andriamanitra. Nahita azy aho, taoriane kelin’izany. Fantatrareo ilay tantara. [“Manana an’izany izahay any an-trano, eo amin’ny horonam-peo.”] Manana an’izany ianareo any an-trano, eo amin’ny horonam-peo.

Avy tamin’ny Teny ny Sharon Rose. Navadiko ilay izy, avy tamin’ny hoe, “ny RAOZIN’I Sarona.” Ary nila anankiray kely Izy, avy tamin’ireo, teo amin’ny Alitarany, noho izany dia Nalainy izy. Hitanareo? Ary hiaraka aminy indray aho. Enga anie ny Sharon kelinareo ho velona mba hanatanteraka ny fiaianana izay tokony ho niainany teto an-tany teto. Ary enga anie izy hiaraka aminareo ao amin’ny VONINAHITRA, tahaka ny ahatsapako fa hiaraka amiko ny Sharon-ko.

Manao ahoana ianao? Hitanareo? Miresaka ny amin’ny zavatra kely iray tsara fanahy ianareo, jereo ity! Mitsiky tanteraka fotsiny izy.

Ndaô isika hanondrika ny lohantsika.

Andriamanitra malala, raha mihazona an’ity harena kely ity aho, Sharon Rose kely iray. Fantatrao ny ao am-poko, Tompo, izay eritreretiko, noho izany dia tsy mila maneho an’izany aho. Isaorana anie ny Tompo Andriamanitra Izay manome an’ireto vatosoa kely ireto ho an’ny fonay! Tahio ity tokantrano Goodman ity. Enga anie hahazo haja ireo raiamandreny, fa izany izy ireo, amin’ny fananana vatosoa iray toy izao ao an-trano. Enga anie izy hijanona ao an-tranon’izy ireo, Tompo. Ary raha misy ampitso iray, dia ataovy ho vehivavy mihaja iray ho an’ny ampitso izy.

Ary ankehitriny, Tompo Andriamanitra, amin’ny fankatoavana an’izay Nanirahanao anay, tamin’ny alàlan’ny Ohatrao, mba hatao, nandray ankizy kely teny an-tSandrinao Ianao ka nitso-drano azy ireo, ary nanao hoe, “Aza raràna ny ankizy madinika hanatona Ahy.” Ary mitondra an’ilay zazakely eto amiko izy ireo, izay Mpanomponao, satria Ianao no nilaza tamin’ireo Mpanomponao mba hanohy ny Asanao. Ary mitsangana eto ireo Mpanomponao, Rahalahy Neville, sy Rahalahy Capps, ary ny tenako. Ary ankehitriny, Tompo Andriamanitra, avy amin’ny sandrin’ilay ray sy reny, dia atolotray Anao i Sharon Rose Goodman kely, izay atokanay ho an’ny fiaianan’ny asa, amin’ny Anaran’i Jesosy Kristy. Amena.

Andriamanitra hitahy anareo! [Hoy Ranabavy Goodman hoe, “Ranadahy Branham, mbola manana dimy amboniny izahay

any an-trano, zazavavy roa sy zazalahy roa.”—Mpand.] Ankizy kely dimy, ankoatran’ity! [“Eny.”] Tena mamy! Andriamanitra hitahy anao, Rahalahy Goodman. Andriamanitra hitahy anao, Ranabavy Goodman. Ary enga anie ny Tompo hitahy an’i Sharon kely!

Manao ahoana ianao, rahalahy? Ankehitriny ndao jerentsika, izaho—izaho... Arnett. [Hoy ilay ray hoe, “Arnett.”—Mpand.] Arnett. Arnett, marina izany. [“Nomena anarana tahaka—nomena anarana tahaka ny anao.”] Marina ve izany? William, William Arnett? [“James William Arnett.”] James William Arnett. Zazalahy mahafinaritra iray ity. Fantatrareo, misy zavatra vitsivitsy izay iarahanay manana, izaho sy izy, sahady; ireo anarana, ary avy eo dia manasaraka ny volonay mitovy izahay, hitanareo. Zazalahy mahafinaritra iray izy, Jimmy. Ataoko fa izany no iantsoanareo azy, James? [“James.”] James, noho izany, eny ary.

Manontany aho raha afaka hihazona azy? [“Mety hamela anao izy.”] Tsy fantatro. Ankehitriny, Jimmy, eny, tena mpinamama isika. Fantatrao izany, sa tsy izany? Eny ary.

Ndao isika hanondrika ny lohantsika.

Tompo Andriamanitra, Ianao no nitahy an’ity tokantrano ity, ny tokantrano Arnett miaraka amin’ity zazalahy kely mahafinaritra ity. Ary mivavaka aho mba Hitahianao ny rainy, ny reniny, ireo malalany. Kristiana izy ireo. Toy ny ahoana no niadian’ny rainy tena mafy, ireo sigara sy ireo zavatra hafa, avy... Indray andro izany dia tonga tamin’ny alàlan’ny, “HOY NY TOMPO HOE.” Izay dia tahaka an’ilay vehivavy izay naharitra hoe tsy maintsy tonga teo izy. Na dia tsy nahomby aza ny asany, ary ny zavatra rehetra dia toy ny tsy nahomby, dia mbola naka ny ampahany tamin’ny volany foana izy ary niandry fihaonana sy fihaonana, hany ka nitranga ilay izy indray maraina. Nino izy fa hitranga ilay izy.

Ankehitriny dia mitondra an’ity zazalahy kely ity izay Nitahianao azy izy, O Andriamanitra, ilay vokatry ny firaisan’izy ireo. Mitso-drano an’ity James William Arnett kely ity aho, amin’ny Anaran’i Jesosy Kristy. Omeo fiainana lava iray izy. Ataovy ho lehilahy iray mendrika Ny Filazantsaranao ho an’ny ampitso izy, raha misy ampitso iray. Ary, farany, ao amin’ilay Fanjakana izay ho avy, dia enga anie izahay hiaraka any. Izaho... Ireo Mpanomponao, mametraka ny tånanay eo aminy izahay ary manokana azy ho an’i Jesosy Kristy, ho an’ity fiainan’ny asa ity. Amena.

Ho tahiana ianao. Andriamanitra hitahy anao, rahalahy. Mbola manana roa amboniny? Ireto ihany no izy. Eny àry.

Mino aho fa afaka mibata ahy ianao, raha tokony ho izaho no hibata anao. Ity no... [Hoy Rahalahy Arnett hoe, “Ity no—ity no Al.”—Mpand.] Alfred, sy Al ary Martha. Hamela ny fiangonana

fotsiny, tiako hahita an'ireo ankizy izy ireo. Heveriko fa, raha mbola kely izy ireo, tanora, dia mamy izy ireo.

Ankehitriny dia ndao isika hametraka ny tānantsika eo amin'izy ireo.

Toy izany koa, Andriamanitra Tsitoha, izahay Mpanomponao, dia mametraka ny tānanay eo amin'ireto ankizy ireto, ilay rahalahy sy anabavy kelin'ity zazalahy kely ity izay vao avy natolotra eto. Mametraka ny tānanay eo amin'izy ireo izahay ho an'ny—ny fanolorana, avy amin'ny reny sy ray, ho eo an-tsandrin'i Jesosy Kristy, ho an'ny fiainan'ny asa, amin'ny Anaran'i Jesosy Kristy. Amena.

Andriamanitra hitahy anareo, Al sy Martha. Ranabavy, tena faly aho mahita anao indray. Homba anao anie ny Tompo.

Ity ankizy tanora ity, oadray, zazalahy tsara iray izy. Nanasaraka ny voloko tahaka an'izao aho fahiny. Hitanareo? Iza no anarany? [Hoy ilay ray hoe, “Terrell Keith Walker.”—Mpand.] Ke-...[“Terrell Keith Walker.”] Herrell Keith Walker. Zazalahy mahafinaritra iray toy ny inona!

Manontany aho, tsy fantatro fotsiny, hitanareo. Mijery ahy kely toy ny hoe mety hanaky izy. Manontany aho raha afaka hihazona azy? [“Miresaka ilay zazakely—Mpand.】 Marina ve izany, Keith? Oh, zazalahy iray mahafinaritra izy. Azo antoka. Tsy zazalahy kely malala iray ve ity? Herrell. [Hoy ilay reny hoe, “Terrell.”] Herrell, Terrell Keith Walker.

Andriamanitra Tsitoha, avy amin'ny sandrin'ireo raiamandreny mankany amin'ny sandrin'i Jesosy Kristy, Terrell Keith Walker kely, mametraka ny tānanay eo aminy ao amin'ny fanolorana ho an'Andriamanitra Tsitoha izahay. Satria tena naniry ilay ray sy reny mba ho tezaina amin'ny fananaran'Andriamanitra ity zazakely ity. Raha misy ampitso iray, dia ataovy ho mpanompo iray mendrika an'ity fanolorana ity izy, fa izahay Mpanomponao dia mametraka ny tānanay eo amin'ity zazakely ity ary manolotra azy ho an'i Jesosy Kristy Tompo. Amena.

Ho tahiana ianao, Rahalahy Walker. Ranabavy Walker ve ity? [Hoy Ranabavy Walker hoe, “Eny, tompoko.”—Mpand.] Tena mahafinaritra izany. Manana zazalahy iray mahafinaritra ianareo, ary enga anie Andriamanitra hitahy anareo.

[Miresaka amin-dRahalahy Branham i Rahalahy Gramby—Mpand.] Eny àry, tompoko. [Manohy miresaka Rahalahy Gramby.] Hia. [“Ary nivavaka ho azy rehefa teraka izy. Teraka niaraka tamin'ny fivontosana iray teo amin'ny valanoranony izy. Ary nivavaka ho azy ianao, ka niala teo no ho eo izany.”] Ity zazavavy kely ity, dia Rahalahy Grimsley no... [Hoy ilay rahalahy hoe, “Gramby.”] Gramby. Izaho—afangaroko ilay izy. Mahafantatra Rahalahy Grimsley iray aho, manohy mieritreritra aho... Mitondra an'ity zazavavy kely Rahalahy

Gramby. Ary rehefa teraka izy, dia nanana fivontosana goavana iray teo amin'ny tarehiny. Ary nivavaka ho azy aho, ka niala ilay fivontosana. Ary ankehitriny dia te-hivavaka izy ireo, satria... Kristiana ve ireo raiamandreny? [“Tsy Kristiana.”] Tsy Kristiana izy ireo. Ary matahotra izy ireo sao hisy fanahy ratsy iray haka an'ilay ankizy, ka tian'izy ireo hiala izany.

Ndao isika hivavaka.

Tompo Jesosy, eo amin'ity ankizy kely ity, raha miankina eo amin'ny alitara izy... Fa, efa naneho fahasoavana Ianao, mba hanala fivontosana iray teo amin'ny vavany. Ankehitriny dia miezaka haka ny ain'ilay ankizy ny fanahy ratsy iray. Tsy isalasalana fa afaka hampiasa an'ity zazavavy ity Ianao, ary mikasa ny hanao an'izany, fa i Satana no miezaka misakana an'ilay drafitra. Noho izany, dia mandidy an'i Satana izahay, amin'ny Anaran'i Jesosy Kristy, hanala ny—ny tànany sy ny tenany hanalavitra an'ity ankizy ity; raha manolotra azy ho an'i Jesosy Kristy Tompo izahay, ho an'ny voninahitr'Andriamanitra. Amena.

Rahalahy Gramby, minoa ianao. Kely loatra ilay ankizy ka zara raha banana finoana, fa ho tanteraka izany.

<sup>32</sup> Tiako Izzy. Ary ianareo? [Hoy ny fiangonana hoe, “Amena.”—Mpand.] Mahafinaritra Izzy.

Ankehitriny, ny olona rehetra, nampanantena aho fa hivoaka amin'ny valo sy sasany aho izao hariva izao, noho izany dia manome ahy antsasak'adiny izany. Tsy fantatro ankehitriny ny mikasika an'izany. Mety ho tara kely fotsiny noho izany aho. Fa ndao isika ankehitriny...

<sup>33</sup> Faly aho nahita an-dRahalahy Dauch teto aninkeo maraina. Ary tsy fantattro hoe lasa aiza ilay lehilahy hafa iray; fa aninkeo maraina, raha mba nanana nitovy iray izy, nisy lehilahy iray nippetraka tery aoriana tery mihitsy, izay nitovy tanteraka taminy. Hoy aho hoe, “Iza no Rahalahy Dauch?” Nijery teo amin'ny andaniny sy ny ankilany aho, ary saiky hiantso ny anarany; fa tena sarona loatra tao amin'ny Hafatra aho. Fantatralo, Rahalahy Dauch, mitovy fotsiny tahaka ny efa nahazy anao foana ianao. Tena faly aho mahita azy ao amin'izany toerana izany.

<sup>34</sup> Vao haingana mihitsy, nahazo antso avy lavitra avy tany Tucson aho, mba hivavaka ho azy indray, fa nisy zavatra hafa iray nitranga taminy. Rahalahy Dauch dia, heveriko, sivifolo na koa iraika amby sivifolo taona. Sivifolo taona izy, mino aho, na iraika amby sivifolo taona. Ary mihena ny vatanareo. Fa, “Maro ny fahorian’ny marina, fa Andriamanitra manafaka azy amin’ireo rehetra ireo” Ary indray andro any, rehefa tonga eo amin'ny toerana iray izay tsy hihazonany miaraka intsony ny vatana, fantattro fa mihazona Tànana iray izy. Na dia poti-bovoka iray aza, dia nampanantena Andriamanitra

fa hanangana an'izany indray, amin'ny andro farany. Ka tena mankasitraka aho.

<sup>35</sup> Tsaroako i Rahalahy Dauch, rehefa niditra tao anatin'ny dobo teto izy mba hatao batisa tamin'ny Anaran'i Jesosy Kristy, fa tsy nanana akanjo iray akory aza izy teto hanaovana batisa, saingy te-handeha izy na ahoana na ahoana. Ary tena niahys an'io lehilahy io Andriamanitra. Eritrereto fotsiny, nihoatra roapolotaina tamin'ny fotoana izay nampantanenain'Andriamanitra azy izy. Hitanareo? Raha tsy izany no fahasoavana!

Ary mbola nandry koa, indray andro, niaraka tamin'ny fahavoazan'ny fo tanteraka, sy aretim-po iray, hitanareo, teo antampon'izany. Ary raha tsy Andriamanitra no nanasitrana an'io lehilahy io ka nanarina azy teo amin'io, teo no ho eo. Ary mino aho, hatramin'izany fotoana izany, maty ny mpitsabony. Marina ve izany? Izaho dia mah-... Hia, fa na dia ilay mpitsabo aza, ilay mpitsabo Jiosy izay—izay nitsabo azy, sy ny sisa, ka nitsangana teo amin'ilay lâlantsara ary niresaka tamiko mikasika azy, dia efa lasa izy. Hitanareo?

Oadray, impiry, lalina toy ny ahoana ny Fitiavano, O Tompo! Lehibe toy ny ahoana ny Fitiavano!

<sup>36</sup> Ankehitriny, manana mosara vitsivitsy isika eto izay hivavahantsika, ao anatin'ny fotoana fohy fotsiny. Fa hiresaka kely fotsiny eo amin'ny finoana aho, ary avy eo dia ho hitantsika izay itarihan'ny Tompo, inona no hataontsika avy eo. Eny, ndao isika hamela an'izany eo Aminy fotsiny, izany no fomba tsara indrindra. Oh, ny miara-mipetraka ao amin'ny toeran-Danitra!

<sup>37</sup> Niresaka tamin'ny sasany tamin'ireo sakazako aho, androany, rehefa avy nivoaka avy tao amin'ny Blue Boar aho tany. Dia hoy aho hoe, “Hijanona ho an’ny fotoana ve ianareo?”

<sup>38</sup> “Eny.”

<sup>39</sup> Hoy aho hoe, “Tsy maintsy hamily fiara hatramin’ny roa ambin’ny folo na amin’iray ora ianareo.” Manantena ny ho tonga any an-trano manodidina ny amin’ny enina maraina izy ireo, lâlana lavitra be. Tsarovy, olombelona izy ireo, ary mety reraka tahaka ahy mihitys. Lâlana any Tennessee, sy ny manodidina, no handehanan’izy ireo. Ny Tompo hitahy azy ireo.

<sup>40</sup> Zavatra marobe no azoko lazaina; handany ny fotoana rehetra fotsiny aho. Fa izaho—tsy afaka mahita anareo matetika aho, ary izaho—izaho—izaho dia tia miresaka aminareo fotsiny, na izany aza. Fa raha tsy vitako ny hiteny aminareo an'izay rehetra eritreretiko mikasika anareo, eto,... Hitanareo?

Te-hiteny amin'ireo rahalahy aho. Ny sasany tamin'izy ireo dia nampirava ny fiangonany.

<sup>41</sup> Rahalahy Jackson, teto aninkeo maraina, dia nanome an'ilay fandikana tsara tarehy an'ny—ny fiteny tsy fantatra iray izay notenenin'ny rahalahy anankiray, sy nanamarina na nanohana

fa Izany no Andriamanitra. Efa voamarikareo ve, tsy nilaza mihitsy Izy hoe diso Izany, tsy nilaza mihitsy Izy hoe tsy tahaka an'izany ilay Izy; nanome fampitandremana mba hihaino fotsiny Izy. Hitanareo? Hitanareo? Noho izany, teto i Rahalahy Junior aninkeo maraina, ary nampirava ny fiangonany.

Ary azoko fa ny sasany amin'ireo rahalahy avy any... ireo fiangonana hafa, avy eto any Sellersburg.

<sup>42</sup> Ary—ary Rahalahy Ruddell, teto izy aninkeo maraina. Tsy fantatro na eto izy ireo izao hariva izao na tsia. Eny àry, eto indray izao hariva izao! Eny, ny Tompo hitahy anao, Rahalahy Ruddell. Ary ianareo...

Tsy afaka maneho an'ilay izy fotsiny aho, izay eritreretiko fotsiny. Fa angamba... Eny, rehefa ho tonga eny amin'ilay ilany hafa isika, dia te-hipetraka miaraka aminareo mandritry ny iray alina taona fotsiny aho, ny tsirairay, hitanareo. Amin'izay fotoana izay, hitanareo, dia horesahantsika daholo izany.

<sup>43</sup> Ary raha masaka ny vokatra, nefá vitsy ny mpiasa, dia ndao isika hiditra eo amin'izany avy hatrany, sao dia mba mety hisy mpanota iray mipetraka eo akaiky eo. Mety hisy olona iray izay ity hariva ity no mety hanova an'ilay dia manontolo.

Ary raha tsy izany ilay fotoana, aninkeo maraina, dia izao hariva izao no mety hikatonan'ireo Boky. Tsarovy, tsy hisy anankiray intsony hiditra rehefa voaavotra ireo anarana ireo.

Alohan'ny, ankehitriny, ny olona rehetra aoka hihaino tsara alohan'ny hamakiako ny Soratra.

<sup>44</sup> Izay rehetra hany ho voaavotra, dia Andriamanitra no nametraka ny anaran'izy ireo tao anatin'ny Bokin'ny Fiainan'ny Zanak'ondry talohan'ny nahatongavan'izao tontolo izao ho eo amin'ny famoronana mihitsy. Firy no mahafantatra an'izany? Izany ny Soratra. [Elanelana tsy voaraki-peo—Mpand.] Ary ilay antikristy, amin'ny andro farany, dia ho tena hifanakaiky mihitsy tahaka an'ilay tena zavatra, tena Fiangonana, ny zavatra rehetra dia tahaka an'i Jodasy, hany ka hamitaka an'ilay tena Voafidy izany raha azo natao. Marina ve izany? Fa tsy misy olona mahay manatona an'i Jesosy raha tsy Andriamanitra no maniraka azy, ary izay rehetra nomen'Andriamanitra Azy no hanatona Azy. Ary rehefa mandray an'io Boky io Izy, ilay anarana farany...

<sup>45</sup> Hitanareo, ny rehetra tao amin'ny taona Loterana, dia Navoakany izy ireo. Ny rehetra tao amin'ny taonan'i Wesley, dia Navoakany izy ireo. Ny rehetra tao amin'ireo taona samihafa, ary ny taona Pentekotista, dia Avoakany izy ireo. Eto izy ireo, tsy ho tsaraina miaraka amin'izy ireo. Hakarina izy ireo. Ary amin'izay fotoana izay rehefa mivoaka ilay anarana farany, izay natao teo amin'ny Bokin'ny Fiainan'ny Zanak'ondry, izay efa voavono talohan'ny fanorenana an'izao tontolo izao; rehefa voaavotra io anarana farany io, dia mifarana ny Asany,

manatona Izy mba hitaky an'izay Navotany. Manao ny fontsika handeha rà izany. Saingy raha mbola nitohy arivo taona iray izany, dia tsy hisy anankiray ho voaavotra.

Ary tsy misy anankiray afaka ho voaavotra raha tsy efa napetraka teo amin'ny Bokin'ny Fiainan'ny Zanak'ondry izy ireo talohan'ny fanorenana an'izao tontolo izao. Iza izy ireo? Tsy fantatro. Tsy misy olon-kafa mahafantatra, hitanareo, Andriamanitra irery ihany fotsiny. Matoky aho fa ny tsirairay avy amintsika, ny anarantsika dia eo amin'io Boky io. Raha teo ny ahy, dia azoko antoka fa ho any aho; raha tsy tao izany, dia tsy ho any aho. Izay ihany. Hitanareo, izao fotsiny, miankina amin'Andriamanitra fotsiny izany. "Tsy izay maniry, izay mihazakazaka, fa Andriamanitra izay maneho famindrampo." Hitanareo?

<sup>46</sup> Ankehitriny dia ndao isika hanatona ny Teny ankehitriny, miaraka amin'ny fanajana sy fahatsoram-po rehetra. Ary heveriko fa izany no zavatra anankiray tsy maintsy ataontsika, hitanareo. Ndao isika hanajanona an'ireo fahadalana betsaka! Aoka hanaja, ho tso-po!

Voamariko ireo fiaikena matetika rehefa izy ireo... Teo amin'ny televiziona, rehefa nanana an'ilay fivorian'i Billy Graham izy ireo; tsy misy na inona na inona anoherana an'i Billy Graham. Fa tany California tany, nitory hafatra iray mahafinaritra ilay lehilahy tamin'io hariva farany io; nitory an'ilay zavatra iray ihany mihitsy izay notoriako teto vao tsy ela akory izay, teo amin'i Daniela hoe, "Ianao dia voalanja eo amin'ny fandanjana ka hita fa maivana." Firy no nahita an'izany? Maro aminareo, heveriko.

<sup>47</sup> Jereo, efa voamarikareo ve ireo olona izay manatona avy amin'ny lèlantsara, mitsako siligaoma, mihomehy, mifamely totohondry? Tsy izany no mandeha eo anelanelan'ny fahafatesana sy ny Fiainana. Tsy izany no manenina nohon'ny fahotana, sy fibebahana. Hitanareo? Izany ilay nolazain'i Billy fotsiny hoe, "Mandray fanapahan-kevitra iray." Ary ny fanekena mangatsiaka iray, amin'ny maso maina, fanapahan-kevitra, dia tsy misy na inona na inona, tsinontsinona. Tokony hanenina nohon'ny fahotana ianareo, ary miala amin'izany.

Ary Billy izy tenany no nilaza hoe, "Izany no manaporofa fa, avy tamin'ny telo alina, dia tsy afaka mahita telopolo ianareeo afaka taona iray." Nilaza izy, indray andro hoe, "Inona ny olan'i New York? Nanana an'io fivoriana lehibe io aho tany, fa inona no nitranga? Miha-ratsy nohon'ny naha-izy azy hatramin'izay ny fahotana."

<sup>48</sup> Ary hitohy hiha-ratsy foana izany. Tsy hisy intsony ny fi-... fibebahana ara-pirenena. Vita ny firenena. Ianareo fotsiny sisa, isam-batan'olona; ary hifarana tsy ho ela izany, raha tsy efa nifarana. Ankehitriny, raiso naoty fotsiny izany, ianareo ankizy

tanora. Jereo hoe hatraiza i Rahalahy Branham... Ilay izy tsy Rahalahy Branham. Hoe marina izay nolazaiko sa diso. Hiharatsy sy hiha-ratsy ny fahotana mandra-pahatongan'ny andro iray izay hahatonga ny lanitra hirehitra, hilatsaka eto an-tany izy, ka ho may amin'ny hafanana mivaivay ny tany. Fa, tsy ho eto ilay Navotana amin'izay fotoana izay, ho lasa izy ireo.

<sup>49</sup> Ankehitriny ao amin'ny Bokin'i Masindahy Marka ny toko faha-11, Jaona Voalohany 4:4 ary ao amin'ny Matio 28:20, no iriako ho vakiana.

<sup>50</sup> Ankehitriny, voalohany, dia maniry aho ny hamaky avy ao amin'i Masindahy Marka, ny toko faha-11, ary ny andininy faha-12 hatramin'ny faha-24.

Henoy tsara ankehitriny raha mamaky isika. Ary ity dia hanohana fijoroana vavolombelona kely ankehitriny, sy teny fampaherezana vitsivitsy, ary eo dia ho hitantsika izay asain'ny Tompo hataontsika. Ny olona rehetra dia hijanona hipetraka fotsiny ary aoka ho feno vavaka ankehitriny, raha mamaky isika.

<sup>51</sup> Marka 11:12.

*Ary nony ampitson'iny, rehefa izy ireo...tonga avy any Betania, dia noana izy:*

*Ary nahita hazo aviavy iray lavidavitra izy izay mandravina, dia nankeo izy, raha sendra mety hahita zavatra iray teo aminy: ary rehefa tonga teo aminy izy, dia tsy nahita afa-tsyo ravina; fa tsy mbola tonga ny fotoan'ny aviavy.*

*Ary Jesosy namaly ka nanao taminy hoe, Tsy hisy olona hihinana avy aminao intsony manomboka izao ka ho mandrakizay. Ary nahare an'izany ireo mpianany.*

*Ary tonga tany Jerosalema izy ireo: ary niditra tao an-tempoly Jesosy, ka nanomboka nandroaka an'ireo izay nivarotra sy nividy tao an-tempoly, ary nanjera an'ireo latabatry ny mpanakalo vola, sy ireo sezan'ireo izay nivarotra voromailala;*

*Ary tsy navelany hisy olona hitondra fanaka hitety ny tempoly.*

*Dia nampianatra izy, ka nanao tamin'izy ireo hoe, Izao no...voasoratra, Ny tranon'ny Raiko dia hantsoina hoe ny...trano fivawahana ho an'ny firenena rehetra? nefà ianareo nanao azy ho zohin'ny jiolahy.*

*Ary nahare an'izany ireo mpanora-dalàna sy ny lohan'ny mpisorona, ka nitady hoe ahoana no mety hamonoan'izy ireo azy: fa izy ireo—fa natahotra azy izy ireo, satria talanjona nohon'ny fampianarany ny vahoaka rehetra.*

*Ary rehefa tonga ny hariva, dia nivoaka ny tanàna izy.*

*Ary nony maraina, (ankehitriny dia andro hafa iray izany), raha nandalo izy ireo, dia hitany fa efa maina hatramin'ny fotony ilay hazo aviavy.*

Tao anatin'ny efatra amby roapolo ora, dia niseho ilay fahagagana, rehefaavy nilaza taminy Izy hoe, “Tsy hisy olona hihinana.” Tsy nisy na inona na inona, toy ny hoe, nitranga tamin'io fotoana io; saingy, ny andro manaraka, dia maina ilay izy.

*Ary nahatsiahy i Petera ka nanao taminy hoe, Mpampianatra, indro, ilay hazo izay efa nozoninao dia nalazo.*

*...Jesosy namaly azy, nanao tamin'izy ireo hoe, Manàna finoana an'Andriamanitra.*

*Fa lazaiko aminareo marina tokoa, Fa na iza na iza hilaza amin'ity tendrombohitra ity hoe, Mifindrà, ka mianjerà any an-dranomasina; ka tsy hisalasala ao ampony, fa hino fa ireo zavatra izay nolazainy dia hiseho; dia ho azony izay rehetra lazainy.*

*Noho izany dia lazaiko aminareo, Na inona na inona zavatra izay irianareo, rehefa mivavaka ianareo, dia minoa fa nandray azy ireny ianareo, dia ho azonareo izy ireo.*

*Ary rehefa mitsangana mivavaka ianareo, dia mamelà, raha manana zavatra iray manohitra ianareo: mba hamelan'ny Rainareo izay any an-danitra ny helokareo koa.*

*Fa raha tsy mamela ianareo, dia tsy hamela ny helokareo ny Rainareo izay any an-danitra. (Misy fepetra izany.)*

<sup>52</sup> Ankehitriny dia tiako ny hamaky ny Jaona Voalohany 4:4.

*Avy amin'Andriamanitra ianareo, rankizy madinika, ary efa naharesy azy ireo: satria . . . (henoy tsara) . . . lehibe izy izay ao anatinareo, noho izy izay ao amin'izao tontolo izao.*

<sup>53</sup> Afaka mamaky an'izany indray ve aho ankehitriny.

*Avy amin'Andriamanitra ianareo, rankizy madinika, ary efa naharesy azy ireo: (miresaka ny amin'ny antikristy), satria lehibe izy izay ao anatinareo, noho izy izay ao amin'izao tontolo izao.*

Mpisolo roa, hitanareo, “izy,” mpisolo anarana; “izy” izay ao amin’izao tontolo izao, ary “Izy” izay ao anatinareo. “Izy izay ao anatinareo dia lehibe noho izy izay ao amin’izao tontolo izao.”

<sup>54</sup> Ankehitriny, ary ny—ny toko faha-28-n'i Masindahy Matio, ka ny andininy faha-20.

*Mampianatra azy ireo hitandrina an'ireo zavatra rehetra izay nandidiako anareo:...indro, izaho momba anareo mandrakariva, hatramin'ny fahataperan'izao tontolo izao mihitsy aza.*

<sup>55</sup> Ankehitriny ny lahateny iray avy ao amin'izany, izao hariva izao, dia tiako ny hampiasa an'ity ho lahateny iray hoe: *Izy Izay Ao Anatinareo*. Ary eo amin'ity dia maniry aho ny hanorina ny finoana, mazava ho azy, ho an'ny fotoam-bavaka iray. Ary arak'izay haingana mihitsy...

<sup>56</sup> Ankehitriny, ilay izy dia arak'izay efa noteneniko taminareo, tiako ny hametraka anareo eo amin'ireo zava-mitranga izay niseho. Ary mazàna aho dia miandry mandra-pahatongako eo amin'ny—ny fiangonana eto, mba hilazana an'ireo zava-mitranga. Ary avy eo raha te-hihaino an'izany ireo hafa, dia afaka maka an'izany amin'ny alàlan'ireo horonam-peo izy ireo. Fa miandry mandra-pahatongako eto aho.

Ary misy, fara-fahakeliny, ho an'ity zava-mitranga izay ho teneniko aminareo ity mikasika an'izao ankehitriny izao mihitsy, dia misy lehilahy maro eto izay vavolombelon'izy ireo, rahalahy Kristiana. Ny anankiray izay nanatrika, dia Rahalahy Banks Wood. Ny iray hafa izay nanatrika, dia Rahalahy David Wood. Ny iray hafa, izay nanatrika eto, dia Rahalahy Evans sy ny zananilahy, Ronald. Ny iray hafa izay nanatrika, dia ny diakonantsika hajaina, Rahalahy Wheeler. Ary ny iray hafa, nanatrika, dia Rahalahy Mann. Eto ve Rahalahy Mann, avy any New Albany? Mpitory teny Metodista iray izay nataoko batisa tamin'ny Anaran'i Jesosy Kristy, vao haingana mihitsy, izy dia tany, ihany koa, rehefa nitranga ity.

<sup>57</sup> Efa fotoana vitsivitsy izany, nandrity ny taona vitsy, no nananako enta-mavesatra lalina iray teo amin'ny tratrako izay izaho...tao am-poko. Ho ahy dia tsapako toy ny hoe nanao zavatra ratsy aho. Ary nandinika ny fiainako aho, hatrany sy hatrany ary hatrany, mba hahita izay tsy nety. “Tompo, raha-raha nanao zavatra ratsy iray aho, amin'izay fotoana izay dia Ianao fotsiny no hanambara an'izany amiko, izay tsy nety, ka handeha aho ary hanitsy an'izany.” Fa tsy nisy na inona na inona nambara tamiko. Hoy aho hoe, “Nandratra olona ve aho? Namela zavatra iray tsy vita ve aho? Izaho ve...tena namaky betsaka ve aho? Nivavaka betsaka ve aho?” Fa namaky aho ary nivavaka. Ary—ary izaho dia—hoy aho hoe, “Ambarao amiko izany. Nanao ratsy olona ve aho, tany ho any? Raha nanao aho, dia hahitsiko izany. Asehoy ahy fotsiny; tsy mila an'ity enta-mavesatra ity aho.” Ary nandritr'ireo dimy taona farany, hatramin'ny nialako teo amin'ny saha, dia nisy enta-mavesatra iray nihantona tao am-poko.

<sup>58</sup> Nandeha nankany an-tendrombohitra aho. Nandeha nankany amoron-dranomasina aho. Nandeha hatraiza hatraiza

aho, ary nivavaka sy nivavaka ary nivavaka, fa tsy nety niala mihitsy ilay izy. Dia nieritreritra ny zavatra rehetra aho, raha nanao zavatra iray aho. Fa ilay izy, dia mbola, tsy nety niala ilay izy; tao anatin'ny fanandevozana fotsiny aho, toy izany.

Ary tena nahagaga fa niala ilay izy tamin'ny fotoana nivoahan'io Hafatra io mihitsy, hitanareo, an'ny aninkeo maraina. Ankehitriny, Andriamanitra ve no nihazona an'izany noho ity? Tsy fantatro. Hitanareo, izaho... Tao anatin'ny eritreritro daholo ireo zavatra ireo. Azonareo eritreretina hoe inona no ao am-pon'ny olona iray rehefa miaritra miaraka amin'izany ianareo, hitanareo, ny mieritreritra an'izay miseho; ary, mahafantatra, miteny amin'ny olona, mahafantatra fa ny sasany dia handeha amin'ilay fidinana diso, ary ny sasany handeha amin'ity lalana ity, sy *itsy* lalana itsy. Ary fantatrareo hoe ahoana ilay izy. Ary ny sasany dia hino, fa ny sasany tsy hino. Ary, fa izany no tsy maintsy iaretanareo.

<sup>59</sup> Ahoana no ahafahanareo hilaza azy tsy handratra? Ahoana no ahafahanareo hilaza azy, mba hisy fiantraikany? Ahoana no ahafahanareo hilaza azy, mba haneho amin'ny olona fa ianareo dia tsy—tsy manindrona azy ireny, fa tia azy ireny ianareo? Ahoana no ahafahanareo ho sarotiny sy mafy, kanefa tia? Ary, oh, ahoana no hanoloranareo azy? Nefa avy eo dia hoe lozako raha tsy manolotra azy aho! Hitanareo? Ary eo ianareo izao. Hitanareo? Tsy mahagaga, raha mihazona anareo hikorontantsaina sy ho torotoro izany.

<sup>60</sup> Nidina aho avy—avy...tonga avy tany Arizona, mba hihaona amin'ny andiana rahalahy eto, izay mandeha mihaza miaraka amiko any Colorado, isan-taona.

Ankehitriny, nanontany ny olona sasany hoe, “Nahoana ianao no mandeha mihaza? Inona no manosika anao?”

Hitanareo, *eto*, ianareo dia mameno, izaho manafoana; *any*, mameno aho, mba ahafahako manafoana. Hitanareo? Ankehitriny, tsy mandeha hitifitra haza fotsiny aho. Nahoana, ny olona, ny olona rehetra eto izay mandeha miaraka amiko, dia mahafantatra fa mandalo karazana haza aman-jatony aho nefo tsy mikasika azy ireny mihitsy akory aza. Tsy mikasika aho.

<sup>61</sup> Ankehitriny, teto vao tsy ela akory izay, nanomboka nitifitra haza ho an'ny lehilahy mpandraharaha Kristiana aho, rehefa tonga tany izy ireo ka nanao hoe, “Billy, itondray ombilahy iray aho, itondray ombivavy iray aho, itondray ombimanga iray aho, itondray an'ity aho, na *itsy*, ny *hafa*.” Nandeha aho ary nitifitra haza, avy amin'ny havanana sy havia. Nanampy ahy ny Tompo mba ahafahako mahita sy mitady haza, ary mpitifitra tena tsara iray, ka voako izy ireo. Ary—ary mipetraka eo fotsiny izy ireo ka miresaka mikasika ny asany.

<sup>62</sup> Avy eo dia niteny tamiko ny Tompo mba tsy hanao an'izany intsony. Ary izaho—nahatsapa ho nalahelo aho mikasika

an'izany, noho izany dia nampanantena Azy aho fa tsy hanao an'izany intsony. Tsia. Hoy aho hoe, "Raha hamehana ilay izy ka misy olona iray mila an'izany, dia hataoko izany. Fa raha tsy mila an'izany izy ireo, dia tsy hanao an'izany aho." Ireo lehilahy ireo fotsiny, manana vola betsaka izy ireo hividianana hen'omby sy ny karazany. Koa nahoana aho no tsy mantsy hanao an'izany? Avelao ho velona ilay biby raha tsy hampiasa azy ianareo.

<sup>63</sup> Noho izany dia mandeha irery fotsiny aho. Ary ny lehilahy rehetra, izay hany mandeha mihaza miaraka amiko, dia mahafantatra fa tsy mihaza miaraka amin'iza na iza aho. Mandeha irery aho, mba hitoetra irery. Mandeha miaraka amin'izy ireo aho, mba hanana fiombonana amin'ny hariva, mitsangana eo ary mivavaka, sy ny sisa.

Fa nisy mpitoriteny hafa maro tany. Nisy, tany amin'ireo tendrombohitra tamin'ity taona ity, nisy ny Rahalahintsika Palmer. Mino aho fa nahita azy tany ho any aho vao teo... Io izy, mipetraka eto, Rahalahy Palmer. Ary ny Rahalahy Bob Lambert, teto izy aninkeo maraina, nandre azy nihiakiaka tany ho any aho. Ataoko fa mbola eto izy. Ary avy eo dia nisy rahalahy iray... ireo zazalahy Martin anankiroa, ataoko fa eto izy ireo. Eto ve izy ireo, ireo zazalahy Martin? Rahalahy, ny Rahalahy Martin. Niantso ahy ianao indray andro, tsara izany. Sitrana ilay zazalahy, io rahalahy mpitoriteny io.

<sup>64</sup> Ato ve ianao, ilay anankiray izay nivavahako, teo amin'ny telefona, indray andro? Adinoko ny anarany, avy any Arkansas any. Niantso ahy ny vadiny; nivonto tanteraka ilay lehilahy teo amin'ny andilany, ary tazo mahery, teo am-pahafatesana. Ilay lehilahy iray ihany izay voaantso, tany amin'ny—ny Little Rock, na ilay favoriana tany Hot Springs, nipetraka tao amin'ilay favoriana.

Ary lehilahy tsara tarehy iray izy. Raha eto izy, ataoko fa izy ankehitriny dia tsy hitsangana, mihitsy. Fa adinoko ny anarany. Tsy afaka mieritreritra ny anarany aho. [Hoy ny olona iray hoe, "Rahalahy Blair."—Mpand.] Blair, Rahalahy Blair. Olona iray...

Eny, ankehitriny, nipetraka tao amin'ilay favoriana tao amin'ny Little Rock, firy no tany, ny tiako lazaina dia, tao amin'ny Hot Springs, firy no tany amin'ilay favoriana? Fa niantso an'io lehilahy tanora io ny Fanahy Masina ka niteny taminy fa niezaka nanao azy handà ahy ny devoly, hilaza fa izaho dia "mpaminany sandoka." Ary nijoro vavolombelona ilay lehilahy fa izany no fahamarinana. Hitanareo ve hoe inona no nataon'ilay devoly? Tsy mandeha any amin'ny dokotera ilay lehilahy. Tsy mino ny fandehanana any amin'ny dokotera izy. Fa Satana dia nahafantatra fa hamely azy io aretina io, ary afaka ny hamono azy teo no ho eo izy. Hitanareo? Noho izany dia niezaka ny hanao azy handà ahy izy. Ary ny Fanahy Masina, tao amin'ny fahasoavana, dia niantso azy ka niteny taminy tsy hanao

an'izany; ilay lehilahy, satria vahiny iray, niantso azy mba tsy hanao an'izany.

<sup>65</sup> Ary indray hariva, dia niantso ahy ny vadiny ka nanao hoe, "Ranadahy Branham, mino aho fa eo am-pahafatesana izy." Hoy izy, "Izy dia—mivonto tanteraka izy. Ary, ny tazon, tsy tompon'ny tenany izy, saiky." Ary hoy izy, "Ny zavatra farany izay nolazainy dia hoe, 'Antsoy Rahalahy Branham.'"

Hoy aho hoe, "Manana zavatra anankiray ve ianao, ny poketranao miaraka amin'ny mosara iray?"

"Tsia." Tany Tucson aho; izy tany Arkansas.

Dia hoy aho hoe, "Manana anankiray ve ianao?"

Nilaza izy, mino aho hoe, ny "fehi-tendany."

Hoy aho hoe, "Ankehitriny dia apetraho eo amin'ilay fehi-tenda ny tànanao, ary tazon amin'ny tànana ilany ilay fihainoana." Dia nivavaka aho ary nangataka tamin'Andriamanitra mba hamindra fo sy hanosika an'io fahavalio io.

<sup>66</sup> Dia nandeha izy ka nametraka an'ilay fehi-tenda teo amin'ilay lehilahy. Ary ny ampitso maraina, dia niantso ahy izy.

Ankehitriny, tao anatin'ny efatra amby roapolo ora teo, na latsak'izany.

<sup>67</sup> Ny rahalahintsika sarobidy, tsy mbola nahita azy aho izao hariva izao, Rahalahy Roy Roberson. Ary indray mandeha, fantatrareo, Rahalahy Roy dia karazana lehilahy miaramila iray. Raha eto izy, izaho—manantena aho fa mahazo izy, satria izaho—izaho—tsy manameloka an'izany aho. Fa sarotiny amin'ny zavatra rehetra, serizà iray tao amin'ny Tafika izy, fantatrareo, ary tsy maintsy manana fahazarana kely amin'ny fitondrana an'ireo lehilahy ianareo tahaka ny atao'izy ireo ao amin'ny Tafika. "Eny, ireo zavatra ara-panahy ireo dia ho an'ny olon-kafa," fa tsy izy! Fa nitahiry azy ny Tompo. Tokony ho efa maty izy; nametraka azy ho faty izy ireo, nandritry ny ela be. Ny Tompo no nanasitrana azy; hatramin'izany fotoana izany izy dia nanaraka. Fa ity karazan-javatra ara-panahy ity, tsy fantany ny mikasika an'izany, sy ireo fahitana.

<sup>68</sup> Ary teto vao tsy ela akory izay, maro no mahafantatra fa ilay fahitana izay nomena an-dRahalahy Roy talohan'ny nandehanako tany mihitsy aza, mikasika ny nahitany ahy nitsangana teo amin'ny tendrombohitra tany, tao anatin'io Hazavana io, sy Feo iray nivoaka avy tamiko. Izany no nanala ny fisalasalana rehetra tamin-dRahalahy Roy.

<sup>69</sup> Ary indray hariva dia voavely teo amin'ny toerana iray izy hany ka tena narary izy, ary tratry ny tazo mahery, sy ny karazany. Dia nanome fanafody azy ny dokotera, sy ny sisa, fa avy eo dia tsy nahavita soa izany. Ary tonga teo amin'ny toerana iray mihitsy aza izy hany ka tsy afaka nanetsika ny

tenany intsony mihitsy aza. Ireo ranjony sy ny sisa dia, toy ny hoe, nalemby.

<sup>70</sup> Ary voatifitra potipotika ilay rahalahy kely mampalahelo, tamin'ny piti-bala avy tamin'ny valo amby valopolo iray, valo amby valopolo Alemandy. Ary izany—izany fotsiny dia ny . . . Ary heveriko fa ny antokony manontolo dia novonoina, afa-tsy izy, ary voakapoka potipotika teo izy.

<sup>71</sup> Ary fantatrareo ve izay nitranga? Niteny tamin'ny vadiny hajaina aho, Ranabavy Roberson, mba . . . Nilaza izy . . . Hoy aho hoe, "Manana zavatra iray ve ianao any?"

<sup>72</sup> Hoy izy hoe, "Manana mosara iray izay avy nivavahanao aho."

<sup>73</sup> "Mandehana alaivo izany." Ary tany Tucson aho, ka nametraka ny tànany teo ambonin'izany izy, ary izaho nivavaka sy niteny mafy, ka nanao hoe, "Ranabavy Roberson, ho lasa izany."

<sup>74</sup> Nisy Zavatra iray niteny tamiko fotsiny tany hoe, "Ho lasa izany. Lazao ilay izy!" Ary tao anatin'ny antsasak'adiny, dia lasa ilay tazo; tao an-dakozia izy, nikaroka zavatra ho hanina. Hitanareo? Hitanareo?

<sup>75</sup> Ny ezahako lazaina dia hoe, "Aza manary ny fahatokianareo mihitsy." Aza mamela an'i Satana hiteny aminareo ratsy mikasika ahy; satria, misy betsaka. Fa hazony io fahatokiana io; satria, raha tsy mihazona ianareo, dia tsy hitranga ilay izy. Aza mijery ahy, amin'ny maha-lehilahy iray; lehilahy iray aho, feno fahadisoana. Fa jereo izay lazaiko mikasika Azy. Izy izany. Izy ilay Anankiray.

<sup>76</sup> Raha tany Colorado izahay, hitanareo, raha tany izahay, dia niverina. Ary tena maina ny andro tamin'izany. Nahalana ny haza. Rahalahy Wheeler, nitahy azy ny Tompo ka nanome azy ny—amboara tsara tarehy iray, ary tena faly izahay mikasika an'izany. Izany no fotoana voalohany hany nihazany tany anaty ala, ary nitahy azy ny Tompo. Ary tamin'izany dia nitifitra amboara goavana iray aho izay efa nandrasako nandritry ny roapolo taona, efa niambina azy, izaho sy Rahalahy Banks dia efa nanenjika azy nandritry ny ela be. Ary rehefa izaho no . . . Nanamboatra ny basiko tany amin'ilay firenena mafana, nitondra azy nankany amin'ny mangatsiaka iray, dia nampivonto an'ilay tranom-bala izany, na dia voafono aza izy. Ary nitifitra tany amin'ny inches maro ilay izy, ka nahavoa an'ilay biby, izay nitsangana teo anelanelan'ireo hazo, teo amin'izay tsy tokony nahavoazany azy; raha ambanimbany kokoa noho io, dia ho nahafaty an'ilay biby am-piantràna tao anatin'ny iray segondra. Fa nahavoa azy ambony loatra ilay izy, izy, nitsambikina izy, toy ny hoe nianjera tahaka an'izany izy.

<sup>77</sup> Ary niaraka tamiko i Billy, ka hoy izy hoe, "Nahavoa azy izany." Dia nihevitra aho fa ilay izy dia voa, ihany koa; saingy

rehefa nandeha teo izahay, dia tsy izany ilay izy. Hoy izy hoe, “Nahavoa hazo iray ianao.” Nijery ambony sy ambany aho, tsy nisy marika teo amin’ilay hazo. Ary avy eo dia lasa aho nikaroka azy.

Ary tamin’izay fotoana izay dia tonga ny famantaranana fampitandremana iray. Nisy saiky teo amin’ny lehilahy zato teo tany, teo amboninay. Ary Rahalahy Palmer sy izy ireo no vavolombelon’izany. Ary Rahalahy Evans, marina izany, tany izy; Rahalahy Welch Evans sy ny zananilahy, Ronnie. Mino aho fa niantso azy ireo aho, vao teo. Ary vondron-dehilahy lehibe no niakatra teo amboninay, izay antsoin’izy ireo hoe tobin’ombivavy any, izay itoeran’ireo cowboys sy andehanany, miambina an’ireo ombivavy hiavaka. Efa nitoetra tao amin’io toby io ny tenako taloha ary niandry an’ireo biby fiompy ireo ka niambina azy hisaraka.

<sup>78</sup> Ary tamin’izay fotoana izay, noho izany, tao, nisy teo amin’ny lehilahy zato teo tany. Fa ny olona rehetra dia mahafantatra, ao amin’io firenena io, fa rehefa voalaza ny tafiotran’oram-panala iray, dia tsaratsara kokoa aminareo ny miala eo no ho eo. Izany no antony nialan’i Rahalahy Palmer sy izy ireo nialoha, satria nanana fampandehanana vitesy telo fotsiny izy ireo tao amin’ny fierany, ka tsy maintsy nivoaka avy tao izy ireo; satria, ilay toetr’andro, raha ao ianareo, dia mety hijanona mandritry ny herinandro maro ianareo. Noho izany dia hoy izy ireo hoe, “Hisy tafiotran’oram-panala iray ho avy,” ilay filazana, ireo gazety, ny radio. Famatrarana sy famatrarana, saiky lasa ny zavatra rehetra tany. Lasa izy ireo, teo no ho eo, satria fantatr’izy ireo fa tokony hiala eo.

<sup>79</sup> Fa nanana fahazoan-dàlana ho an’ny diera roa ireo rahalahiko, ka izy ireo—tsy te-handeha izy ireo. Noho izany aho—hoy aho hoe, “Eny, hijanona isika.” Fa nanana favoriana iray ho avy aho, teo amin’ny enina andro teo, ka tokony hiverina any Tucson aho.

<sup>80</sup> Noho izany, ny vadiko kely, izaho...roapolo taona no efa nivadianay. Ary roapolo taona, isaky ny tsingerin-taonanay, dia tany foana aho; sendra mifanojo eo mihitsy. Noho izany aho—manana toerana kely iray aho izay andehanako foana sy ivavahako, ary nitovy tamin’ny toerana iray izay nitondrako azy ilay izy.

<sup>81</sup> Fantatrareo, nanao karazana zavatra kely iray aho, fantatrareo, tsy nanana vola ampy hanaovana dia fihazana iray sy ny volan-tanteliko aho, noho izany izaho—izaho—somary nitondra ny vadiko tany amin’ny dia fihazana iray aho ho an’ilay volan-tantely. Noho izany dia tany New York izahay, ary tsaroako aho nanampy azy nanainga an’ireo vatan-kazo sy ny sisa, ho tonga teo amin’ny toerana iray. Ary manana toerana kely iray aho any, mieritreritra azy foana aho rehefa

mandeha any amin'ny tsingerin-taonanay. Ny Oktobra fahatelo amby roapolو no misokatra ny vanim-potoana any. Ary, roapolو taona, no tsy naha-tany an-trano ahy, tany ambony tany foana.

<sup>82</sup> Koa io daty io no tsingerin-taonanay. Ary Rahalahy Mann... Hoy aho hoe, "Ankehitriny raha ianareo rahalahy..." Nilaza aho, teo amin'ilay afo, tamin'io maraina io hoe, "Ankehitriny raha..." Tamin'io hariva io, raha ny marina. "Raha te-hijanona ianareo rehetra ankehitriny, dia tsarovy, mety ho eto mandritry ny iray volana isika." Satria efa nahita oram-panala roapolو dian-tongotra aho tao anatin'ny vetivety fotsiny, indray alina. Izao fotsiny, handeha any ianareo, ary tena maina fotsiny sy tsara ianareo; fa ny ampitso maraina, dia tahaka an'izao ny halalin'ny oram-panala, mihoatra, angamba mihoatra ny tampon'ny tranolainareo. Koa noho izany dia nilaza aho... Ary amin'izay fotoana izay dia mijanona eo ianareo mandra-pitsonik'izany. Noho izany dia saiky any amin'ny dimy ambin'ny folo ka hatrany amin'ny roapolو maily ambadiky ny an-efitra ianareo. Ary noho izany dia nilaza aho... Ary raha lasa hamehana ilay izy, mazava ho azy, dia mandeha helikoptera izy ireo ary mamoka anareo. Fa, mazana, izy ireo fotsiny... raha tsy misy olona maty, dia tsy maintsy miandry any fotsiny izy ireo.

<sup>83</sup> Noho izany dia milefa ny olona rehetra vantany vao henon'izy ireo fotsiny io radio io, filazana iray, raha ny marina. Noho izany dia tany izahay, ka hoy aho hoe, "Ankehitriny dia raiso ny fanapahan-kevitraiseo. Raha te-hijanona ianareo, dia eto aho hihaza miaraka aminareo, ka hiantso ny vadiko aho ary hiteny aminy hoe, 'Tratry ny Tsingerin-taona!'" Fa hoy aho hoe, "Noho izany, ao amin'ity, izaho koa dia, izaho dia, isika dia... Hividy enta-madinika isika, satria mety tsy maintsy hijanona eto." Tsy nanana mofo izahay tamin'izany. Ary tsy te-hahita krepv intsony mandritry ny fotoana ela aho, ireny mofo endasina ireny! Koa, noho izany, efa nihinana azy ireo aho tany Canada, nandritry ny iraika amby roapolو andro teo, ary azoko antoka fa voky an'ireo zavatra ireo aho. Ary noho izany dia te-hividy mofo vitsivitsy aho.

<sup>84</sup> Noho izany dia nilaza fotsiny izy ireo fa te-hijanona. Noho izany dia tsy nisy na inona na inona hatao teo... hijanonana. Fa lasa izaho sy Rahalahy Mann, ary nandeha tany izahay ka nividv enta-madinika. Ary niantso ny vadiko aho, fa tsy namaly ilay telefona. Tsy nisy olona namaly; noho izany dia niandry teo amin'ny adiny iray teo aho mandra-pividinay an'ireo enta-madinika, niverina, niantso, tsy namaly izy. Dia tsy maintsy niantso an-dRanabavy Evans aho.

Mino aho fa eo Ranabavy Evans. Ary niteny aho... Hia, Rahalahy Evans, eto Ranabavy Evans.

<sup>85</sup> Noho izany dia niantso an-dRanabavy Evans aho, avy amin-dRahalahy Evans, ka niteny taminy. Hoy izy hoe, “Hiantso an-dRahavavy Branham aho ka hiteny aminy.” Ny “Tratry ny Tsingerin-taona,” mazava ho azy, fantatrareo. Noho izany, fa lasa nandeha nantsena izy, mba hividy enta-madinika sasantsasany ho an’ireo ankizy.

Ary avy eo dia niverina izahay. Ary ny ampitso maraina, tsy nisy afa-tsyz rahona no teny amin’ny lanitra. Tsy nanorana tany nandrity ny lohataona manontolo, ka tena maina ny andro. Ary tsy maintsyz nanalava ny vanim-potoana fihazana izy ireo, andro vitsy amboniny, noho ilay hain-tany.

<sup>86</sup> Eny, nilaza tamin’ireo rahalahy aho tamin’io maraina io hoe, “Ankehitriny, amin’ny indray mitete voalohany hanombohan’ny orana milatsaka, ny oram-panala voalohany, ny havandra madinika voalohany, ny zavatra rehetra, dia miverena any amin’ny toby haingana mihitsy arak’izay vitanareo, satria ao anatin’ny dimy ambin’ny folo minitra dia tsy afaka hahita ny tanganareo eo alohanareo ianareo. Hitanareo? Fa hihodinkodina sy hitsoka fotsiny izany, ary tsy ahoako na tsara toy ny ahoana aza no ahafantaranareo ny tanàna, ianareo—ho tavela any avy hatrany ianareo, ary ho levona. Satria matetika dia tsy afaka miaina ianareo, tena mitsoka ilay havandra madinika, ary, ho faty eo no ho eo ianareo.” Dia hoy aho hoe, “Vantany vao manomboka miaraka amin’io havandra madinika io ilay izy, dia miverena any amin’ny toby haingana arak’izay vitanareo fotsiny ianareo, tsy ahoako izay misy anareo.”

<sup>87</sup> Eny, hoy aho hoe, “Mandehana miakatra eto ary mipetraha ao anatin’ireo hady ireo, fa izaho hihanika avo be ary hanakodia vato eny ambonin’ny havoana, sy ny sisa, hampitahotra an’ireo diera eny an-tampony, sy hampidina azy ireo, dia alaivo izay tianareo.”

<sup>88</sup> Noho izany dia nanomboka niakatra avo aho, ary saiky tamin’ny fotoana nahatongavako teo amin’izay antsoinay hoe, “ny lasely,” toerana kely iray any izay iampitako foana mandeha mankany amin’ny toerana iray antsoina hoe “Quaker Knob,” eo amin’ilay Continental Divide any, tena avo. Ary rehefa saiky tonga teo amin’io lasely kely io aho, io . . . niha-mainty sy niha-mainty ireo rahona. Tsy nisy fiara iray tavela, izahay fotsiny no teny ambony teny, araka ny . . . ary ilay cowboy tao amin’ny toby. Noho izany ilay izy dia—ilay izy dia niha-ratsy sy niha-ratsy. Noho izany, tao anatin’ny minitra vitsy, dia nanomboka nanorana ny andro. Eny, nalaiko ny basiko ary napetrako tao ambanin’ny palitaoko, nihazona an’ilay solomaso tsy hanetroka, ary—ary ilay tranom-bala tsy ho mando; raha toa ka hifanena amin’ny bera iray na zavatra iray, teo am-piverenana, noho izany aho—nihazona ny solomasoko tahaka an’izao aho ary nipetraka teo ambanin’ny hazo iray, vetivety. Dia nipetraka teo aho, ary

nivavaka. Hoy aho hoe, “Tompo Andriamanitra, Ianao no ilay Jehovah Lehibe, ary tiako Ianao.”

<sup>89</sup> Fahatsapana firy no efa nananako! Natoroko an'ireo rahalahy, Rahalahy Palmer sy izy ireo, ireo toerana. Izay misy, an'ilay voromahery, fantatrareo, efa nahita azy niakatra aho tamin'io andro io, fantatrareo, ary ahoana... Tao amin'ireo toerana ireo no nisehoan'izany rehetra izany. Zavatra iray mahakasika ahy tanteraka izany, tany. Efa nanana fahatsapana lehibe maro aho niaraka tamin'ny Tompoko, tany ambonin'ireo tendrombohitra ireo. Noho izany dia tsy afaka mandeha any fotsiny ianareo ka tsy mahita Azy; hatraiza hatraiza fotsiny Izy.

<sup>90</sup> Koa noho izany raha izaho—nipetraka teo aho, tamin'izay fotoana izay dia nanomboka ilay havandra madinika, ary nihodinkodina ny rivotra, tahaka an'izao. Dia hoy aho hoe, “Eny, fantatro ny lalana midina, saingy tsaratsara kokoa ho ahy ny miala eto izao ankehitriny izao.” Noho izany dia nilaza aho...

<sup>91</sup> Niondrika aho, ary tsy afaka nahita akory an'ireo ambany intsony aza aho; nifofofofo sy nihodinkodina fotsiny ireo rahona, ary nitsoka ny havandra madinika. Ary teo ilay izy, ilay tafiotran'oram-panala! Efa nilaza nandritry ny andro maro hoe, “Ho avy ny tafiotran'oram-panala!”

<sup>92</sup> Eto Rahalahy Tom. Rahalahy Tom Simpson, tonga avy any Canada, nandre an'ilay filazana, ary notoroana hevitra izy tsy handeha hitety an'io ampanhan'ny firenena io, satria hoy io filazana io hoe, “Ho tafiotran'oram-panala izany.” Aiza ianao, Rahalahy Tom? Heveriko fa, hia, eto mihitsy. Ary izy... Tonga ilay tafiotran'oram-panala! Efa niomana ny amin'izany ny olona rehetra.

<sup>93</sup> Eny, nametraka ny basiko teo ambanin'ny lobako indray aho, tahaka an'izao, ny lobako mena, nanomboka nandeha nidina an'ilay tendrombohitra. Ary raha nanomboka aho, tany amin'ny antsasaky ny maily iray teo ho eo avy teo amin'ilay lasely aho; ary, oh, oadray, ireo vongan'oram-panala goavana, tahaka an'izao, ary nihodinkodina ny rivotra, teo ambonin'io tendrombohitra io, ary nitsoka. Tsy afaka nahita ny ambany intsony aho. Afaka nahita teo amin'ny roapolo dian-tongotra teo alohako aho, na telopolo. Ary fantattro fa tokony hidina avy hatrany eo amin'io kely io, izay antsoinay hoe, “lamosin-kisoa kely,” tetezana kely, avy eo dia tonga teo amin'ilay helidrano, ary avy eo dia fantattro fa tokony hanaraka an'ilay helidrano aho, sy hoe aiza no haleha, raha tena ratsy ny andro.

<sup>94</sup> Ary noho izany dia nanomboka nidina aho, tonga teo amin'ny antsasa-dàlana teo ho eo tany, dia nisy Zavatra nilaza tamiko, mazava mihitsy tahaka anareo mandre ahy hoe, “Mijanòna, ary miverena!”

<sup>95</sup> Eny, nieritreritra aho hoe, “Inona no noeritreretiko? Angamba ny fisainako fotsiny izany.” Fa tsy afaka nanao dingana iray hafa nandroso intsony mihitsy aho.

<sup>96</sup> Nanamboatra mofo misy hena ho ahy i David tamin’io maraina io, ary heveriko fa niezaka ny namerina tamiko izy satria nanamboatra anankiray ho an’ny dadany aho, indray mandeha, niaraka tamin’ny tongolo sy tantely, izay ihany no nananananay. Noho izany dia nanamboatra iray mibontsina ho ahy izy ary, oh, tsy fantatro hoe inona daholo ilay izy, izay voafono tao anatin’ tao! Ary nanana an’izany tao anatin’ny lobako aho, ary lasa lena avy teo amin’ny lobako ilay izy. Nieritreritra aho hoe, “Hijanona fotsiny aho ka hihinana an’ity, ary angamba aho dia... Ho mety tsara izany avy eo.” Noho izany dia navoakako ilay mofo misy hena, teo amin’ny folo ora teo, ary nanomboka nihinana an’ilay mofo misy hena aho. Ary raha nihinana an’ilay mofo misy hena aho, dia nieritreritra aho hoe, “Ankehitriny dia ho mety tsara aho.”

Dia nanomboka nandroso aho, fa nisy Zavatra iray nanao hoe, “Miverena any amin’izany nihaviana!”

<sup>97</sup> “Hiverina handalo amin’io tafio-drivotra io, antsasaky ny maily iray na mihoatra miverina miakatra an’ilay tendrombohitra, ao anatin’io ala mainty io ve?” Nefa, zara aza ianareo raha afaka hahita hatreto amin’itsy orga itsy! Fa miha-lasa lehilahy antitra iray aho, ary efa Kristiana iray aho ankehitriny nandritry ny telo amby telopolo taona; ary fantattro, tsy mampaninona na inona, na mahatsikaiky toy ny ahoana aza ilay izy, mankatoava ny Tompo, ataovy izay lazain’ny Tompo.

<sup>98</sup> Dia nihodina aho ary nandeha niverina teo amin’ilay lasely, nitsapatsapa ny lâlako niverina. Oh, lasa niha-mafy sy niha-mafy ilay havandra madinika; lasa niha-maizina sy niha-maizina. Dia nipetraka teo aho, ka nametraka ny palitaoko tahaka an’izao, na ny lobako teo ambonin’ilay fitaratra indray; nipetraka. Nieritreritra aho hoe, “Inona no ataoko eto? Nahoana aho no niverina eto?”

<sup>99</sup> Dia niandry minitra vitsy fotsiny aho. Ary nanomboka nitsangana indray, ka mazava mihitsy arak’izay hany nitiaavako nandre azy, hoy ny Feo iray hoe, “Izaho no Mpamorona ny lanitra sy ny tany! Izaho no manao ny rivotra sy ny orana.” Nesoriko ny satroko.

<sup>100</sup> Hoy aho hoe, “Jehovah Lehibe, Ianao ve izany?”

<sup>101</sup> Hoy Izy hoe, “Izaho ilay Anankiray Izay nanao ny rivotra hitsahatra teny ambonin’ny ranomasina. Izaho ilay Anankiray Izay nanao an’ireo onja hitony. Izaho no namorona ny lanitra sy ny tany. Tsy Izaho ve ilay Anankiray izay niteny taminao mba hiteny an’ireo, ny amin’ireo vontsira, ka tonga teo amin’ny fisiana izy ireo? Izaho no Andriamanitra.”

<sup>102</sup> Ankehitriny, rehefa miteny aminareo ny feo iray, dia diniho ny Soratra. Raha tsy ara-tSoratra ilay izy, dia avelao hipetraka tsara izany; tsy ahoako na mazava toy ny ahoana aza ilay izy, mialà lavitra an'izany.

<sup>103</sup> Hoy aho hoe, “Eny, Tompo.”

<sup>104</sup> Hoy Izy hoe, “Mitenena amin’ireo rivotra sy tafio-drivotra ireo, dia hiala izy ireo.” Ankehitriny, mipetraka eto anoloako ity Baiboly ity, ka ao anatin’Ity ny fiainako.

<sup>105</sup> Nitsangana aho, hoy aho hoe, “Tsy hisalasala ny amin’Ny Feonao aho, Tompo.” Hoy aho hoe, “Ry rahona, oram-panala, orana, havandra madinika, tsy ekeko ny fahatongavanareo. Amin’ny Anaran’i Jesosy Kristy, miverena any amin’ny toeranareo! Milaza aho fa tsy maintsy mivoaka avy hatrany io masoandro io ary hamiratra mandritry ny efatra andro, mandra-pahatapitry ny dia fihazanay ka handehanako miaraka amin’ireo rahalahiko.”

<sup>106</sup> Nifantsitsitra fotsiny ilay izy, nanao fotsiny hoe, “Whooooossssh,” tahaka an’izany. Dia nanomboka lasa ilay izy, nanao hoe, “Whoosh,” avy eo dia nanao hoe, “fioo, fioo, fioo, fii.” Nijanona!

<sup>107</sup> Nipetraka tsara mihitsy aho. Ireo rahalahiko tany, dia nanontany hoe inona no nitranga. Ary ilay havandra madinika, ny orana dia nijanona. Indro tonga ny rivotra nihodinkodina nidina nanerana an’ireo tendrombohitra, nanainga an’ireo rahona, ka ny anankiray nandeha nankany amin’ity lâlana ity; atsinanana, avaratra, andrefana, ary atsimo. Ary, tao anatin’ny minitra vitsy, dia namiratra nahafinaritra sy nafana ny masoandro. Izany no fahamarinana! Andriamanitra no mahafantatra fa izany no fahamarinana!

<sup>108</sup> Nitsangana teo fotsiny aho, njery manodidina fotsiny; niaraka tamin’ny satroko niala, njery. Izaho... Hoy ianareo... Lasa ngoly aho, nanerana manontolo.

<sup>109</sup> Nieritreritra aho hoe, “Ilay tena Andriamaniry ny Famoronana mihitsy, eo an-Tânany izany rehetra izany. Inona no Teneniny amiko?”

<sup>110</sup> Dia nalaiko ny basiko, nofafako ilay fitaratra, nanomboka nandeha niverina, nidina an’ilay havoana. Dia nisy Zavatra nanao tamiko hoe, “Nahoana ianao no tsy mitsangatsangana miaraka Amiko hitety an’ity an-efitra ity, handeha hiaraka Amiko?”

<sup>111</sup> Hoy aho hoe, “Eny, Tompo, amin’ny foko rehetra; izany no iray amin’ireo zavatra lehibe indrindra izay azoko atao, dia ny mandeha miaraka Aminao.” Noho izany dia nataoko teo ambonin’ny soroko ny basiko, ary nanomboka nandeha nitety an’izany aho; tsy nisy famaky iray mihitsy tao amin’izany, ala mbola tsy nidirana, nandeha nitety tao.

<sup>112</sup> Ary raha nandeha aho, nandeha nandroso, nidina tao amin'ireo lâlan-kelin'ny haza ireo, dia nahatsapa an'ity hoe, "Mino aho fa hiakatra eo amin'ilay toerana izay...omaly ny tsingerin-taonanay, ka hitsangana eny vetivety fotsiny aho; ho fiarahabana kely iray ho an'i Meda fotsiny, izay misy andiana amontana kely, eo ambonin'ny vohitra kely iray." Dia hoy aho hoe, "Mino aho fa hiakatra eny aho, ho fiarahabana ny tsingerin-taonanay fotsiny. Avy eo dia hiverina eto amin'ity ilany ity aho, ao anatin'ireo ala maizina, ary handeha manodidina, sy hitsangatsangana, mankany amin'ny Corral Peaks, ary hiverina indray amin'itsy lâlana itsy." Nandeha sy nifaly fotsiny.

<sup>113</sup> Hoy aho hoe, "Ray, fantatro fa mandeha miaraka amiko Ianao. Ka tombontsoa iray toy ny inona; tsy misy olona lehibe indrindra azoko andehanana miaraka; ilay tena Andriamanitra mihitsy!" Ary io hafanan'ny masoandro io!

<sup>114</sup> Na dia avy nivoaka an'ireo tendrombohitra mihitsy aza aho. Nijanona teo amin'ny toeram-pivarotana solika aho, ka hoy aho hoe, "Andro tsara tarehy!" Telo andro taty aoriana. Tsy nanorana mihitsy tao amin'io ampanahany firenena io mandra-pahatapitry ny efatra andro. Namiratra isan'andro ny masoandro. Marina ve izany, rahalahy? [Hoy ireo rahalahy hoe, "Amena."—Mpand.] Hitancareo? Ary tsy nisy rahona iray teny amin'ny lanitra.

<sup>115</sup> Dia tonga teo amin'ny toeram-pivarotana solika iray aho, hoy aho hoe, "Azo antoka fa andro iray tsara tarehy."

"Eny, izany tokoa!"

Hoy aho hoe, "Efa tena maina mihitsy."

<sup>116</sup> Hoy izy, "Zavatra hafahafa ilay izy!" Nilaza io mpiasa io, nanao hoe, "Fantatrazo, niteny taminay izy ireo fa ho trathy ny tafiotran'oram-panala goavana izahay, nefo tampoka teo dia nianona ilay izy!"

<sup>117</sup> Nanoxy nandeha aho, teo amin'ilay sisin-tanin'i New Mexico. Izaho sy Billy, ny zanakolahy, nandeha tao amin'ny toerana kely iray tao izahay mba hividy sasantsasany...ny maraina izay niainganay, ka hoy aho hoe, "Azo antoka fa andro iray tsara tarehy."

"Eny, izany tokoa!"

Hoy aho hoe, "Toy ny hoe tena maina mihitsy ilay izy."

"Eny, efa izany ilay izy!"

Hoy aho hoe, "Avy eto ve ianao?"

<sup>118</sup> Hoy izy, "Tsia, avy any Wisconsin aho," na tany ho any. Hoy izy, "Teo amin'ny roapolohy taona teo izay no naha-teto ahy, noho izany dia ataoko fa afaka miantso azy ho tranoko aho."

<sup>119</sup> Hoy aho hoe, “Teratany iray izany ianao, heveriko.” Noho izany dia hoy aho hoe, “Eny, tompoko,” hoy aho, “toy ny hoe tena efa namovoka mihitsy ilay izy.”

<sup>120</sup> Hoy izy, “Fantatrao, nitranga ilay zavatra hafahafa indrindra!” Hoy izy, “Nahazo filazana izahay fa hahazo tafiotran’oram-panala iray, oram-panala betsaka; ary nanomboka tokoa ilay izy, nefo avy eo dia nijanona!”

<sup>121</sup> Hoy aho hoe, “Tsy milaza an’izany koa ve ianao,” ary tena tony.

<sup>122</sup> Dia tonga tany an-trano aho. Ary nilaza i Rahalahy Tom fa notenenina mba tsy handeha amin’io lalana io izy, nandalo ny tafiotran’oram-panala iray. Ary nandalo avy hatrany an’ilay firenena izy, tsy nisy na dia pitik’orana iray aza na inona na inona! Mbola Andriamanitra foana Izzy, hitanareo, tahaka an’izay hany naha-izy Azy hatramin’izay mihitsy. Hitanareo?

<sup>123</sup> Teo am-pandehanana tany, nandehandeha aho... Ankehitriny, ity ampahany ity, manantena aho fa tsy hahazo an’ity horonam-peo ity ny vadiko. Hitanareo? Fa hiteny zavatra iray aminareo aho. Ary, ankehitriny, izaho—izaho tsy miteny aminareo... Hiteny aminareo ny Fahamarinana fotsiny aho, hitanareo, ary izany ihany no fomba hanaovana azy. Manontany aho matetika hoe nahoana izy no tsy nitaraina mikasika ny fandehanako any amin’ireo dia ireo amin’ny tsingerin-taonanay. Fantatrareo ve izay nahatapa-kevitra ahy? Hoy aho hoe, “Be loatra ny olona any trano. Ary avy eo aho isan’andro, fantatrareo hoe ahoana aho, mikorontan-tsaina. Nefo ny zavatra rehetra resahako, ny zavatra tiako resahana, dia Andriamanitra, ny Baiboly, na zavatra iray. Angamba mihevitra fotsiny izy fa fialan-tsasatra kely ho azy ilay izy. Mandefa ahy lavitra mandritry ny andro vitsy izy, mba handeha hihaza.” Izaho, saiky izany no eritreretiko, mitsangatsangana any.

<sup>124</sup> Fa, izaho dia... Izaho, hiala tsiny aminy aho, ary izaho dia—nangataka tamin’Andriamanitra aho mba hamela ahy amin’izany karazana eritreritra izany. Satria, nitsangatsangana tany aho, dia nieritreritra aho hoe, “Eny, mihevitra izy... Eny, mamindrà fo! Izzy, mpiasa iray izy, fantatrareo, ary—ary amin’ny fotoana rehetra rehefa ao an-dakozia izy na any ho any ao amin’ny...”

<sup>125</sup> Ary ianareo rehetra dia mahafantatra azy, mandeha foana ilay milina fanasan-damba. Ka noho izany dia nandeha aho, nosintoniko izy; hoy aho hoe, “Aza manasa lamba tahaka an’izao. Miresaha amiko. Hitanao, tiako ianao. Tiako ianao hiteny zavatra amiko; teneno amiko fa ianao dia tia, ihany koa.”

<sup>126</sup> Hoy izy hoe, “Eny, fantatrao fa tia aho,” avy eo dia nanasa lamba haingana mihitsy arak’izay na ha-izy azy.

<sup>127</sup> “Tsy tiako hanao an’io ianao. Tiako ianao ho tonga eto ka hipetraka eto akaikiko.”

<sup>128</sup> “Oh, Bill, manana asa betsaka hatao aho!”

<sup>129</sup> Dia nieritreritra aho hoe, “Eny, hitanao, ny fahatongavana eto, dia manana fotoana hanaovana ny asany izy.” Nitsangatsangana tany aho, nieritreritra an’izany.

Ankehitriny, tsarovy, nametraka an’ity Baiboly ity eto ambony eto aho mba hahitanareo fa eo anatrehan’ny Teny aho.

Raha nandeha aho, dia nisy zavatra nitranga tamiko. Nanomboka aho . . .

<sup>130</sup> Voalohany, nieritreritra aho fony aho nitondra azy tamin’ny volan-tantely tany. Izy dia zazavavy iray tsara tarehy, kely, mainty volo, maso volontany, ary nobataiko teo ambonin’ireo vatan-kazo ireo izy, fantatrareo, sy ny sisa, ka niezaka ny hitondra azy tany, ilay toerana izay namonoako bera iray. Ary te-haneho anankiray taminy aho, ka noho izany . . . izay nahazoako an’ireo bera ireo. Ary nanaovany ireo kiraroko cowboy. Ary teo amin’ny roa amby roapolo taona teo izany, na iraika amby roapolo taona talohan’izany; roa amby roapolo taona, mino aho fa izay ilay izy, lasa. Tamin’ny 1941 izahay no nivady. Ary nobataiko izy, fantatrareo, teo ambonin’ireo vatan-kazo ireo.

<sup>131</sup> Dia nieritreritra aho hoe, “Ankehitriny, ilay vehivavy kely mampalahelo, tsy maintsy niaritra tamiko, lasa fotsy volo izy.” Hia. Nieritreritra aho hoe, “Eny,” ary nandeha aho . . . [Manadio ny tendany Rahalahy Branham—Mpand.] Ary tsy niharatra aho nandrity ny andro vitsy, ka hitako fa izaho dia fotsy volo, ihany koa! Ary hitako ny volombavako nivoaka teto, fotsy, dia nieritreritra aho hoe, “Ry zazalahy antitra, efa saiky vita fotsiny ny aminao ankehitriny. Hitanao, ianao, raha hanao zavatra iray ianao, dia tsaratsara kokoa aminao ny manao haingana. Ianao dia miha-antitra, ihany koa.” Hitanareo?

<sup>132</sup> Ary noho izany raha nandeha nitsangatsangana tahaka an’izany aho, dia nisy zavatra niseho. Tampoka teo, tao amin’ny fihetsehana rehetra, toe-batana, dia zazalahy iray aho, nieritreritra toy ny zazalahy iray. Dia nanondrika ny lohako aho, ary niandrandra. Ary mazava tsara mihitsy tahaka ny nahitako azy hatramin’izay, dia indro izy nitsangana teo anoloako niaraka tamin’ny sandriny nitsotra. Dia nijanona aho; nokosehako ny tarehiko. Nijery aho. Hoy aho hoe, “Meda, ianao ve io, Malala?”

<sup>133</sup> Nijery teto aho, nieritreritra aho hoe, “Inona no nitranga ankehitriny?” Dia nieritreritra aho hoe, “Eny, mandeha miaraka Aminy aho.” Dia niova ilay izy avy eo, lasa niverina lehilahy antitra indray aho, ary niala teo anoloako ilay fahitana.

<sup>134</sup> Dia nijanona aho; nesoriko indray ny satroko, napetrako teo amin’ny foko izy. Hoy aho hoe, “Jesosy, mavesatr’entana loatra ny foko, nandrity ny taona maro. Tsy mila miteny Aminao aho hoe mavesatr’entana aho. Efa nibebaka aho, efa nibebaka aho,

efa nataoko ny zavatra rehetra izay fantatro. Nefa nahoana no tsy miala amiko ity enta-mavesatra ity?"

<sup>135</sup> Ary nanomboka nanohy nandeha fotsiny aho. Ary rehefa nihanika an'io havoana kely io aho, teo amin'ny telopolo fotsiny, efapolo yards teo anoloako; nanomboka nihanika an'io havoana kely io aho, nanomboka nahatsapa ho tena nalemy. Ary nisy amontana kely teo, teo amin'ny folo inches teo ny haboriboriny, niakatra ary nanao L iray, ary avy eo dia niakatra indray. Ary vao tonga teo aho, dia nahatsapa tena reraka ka nivembena. Noho izany fotsiny aho... Nanaovako indray ny kasiketiko. Ary nankiniko teo amin'io ny lohako; nety tsara tamiko mihitsy, mba hanankinako ny lohako teo amin'io amontana io, tahaka an'izao. Tena amontana iray ilay izy. Ilay izy dia toy ny, mitovy amin'ny hazo bouleau iray, hitanareo. Ary izany dia... Niankina teo aho. Ary nitsangana teo fotsiny niaraka tamin'ny lohako niondrika aho, namely ahy tao amin'ny lamosina ilay masoandro mafana. Dia nieritreritra aho hoe, "Ilay tena Andriamanitra mihitsy, izay nandroaka an'ilay orana sy ilay rivotra!"

<sup>136</sup> Ary nandre zavatra iray aho nanao hoe, "pat, pat, spat."

<sup>137</sup> Nieritreritra aho hoe, "Inona izany? Nihataka daholo ilay rano. Nivoaka ny masoandro. Inona ilay spat?" Niondrika aho; rano avy tamin'ny masoko manokana ilay izy, nitsororoka nanerana an'ilay volombava fotsy ary nitete teo amin'ireo ravina maina izay namainin'Andriamanitra, nipetraka teo anoloako. Nitsangana teo fotsiny aho tahaka an'izao, niankina tamin'ilay hazo fotsiny. Ny tànako, *ity* tànana *ity* nidina, ny lohako niankina tamin'ilay hazo, ny tànako teo amin'ilay tadim-basy, tahaka an'izao, nitsangana teo, nitomany.

<sup>138</sup> Hoy aho hoe, "Andriamanitra, tsy mendrika ny ho Mpanomponao aho." Dia hoy aho hoe, "Izaho, miala tsiny aho, izaho—izaho dia nanao ny... Nanao fahadisoana maro aho. Tsy fanahy iniako ny nanao fahadisoana, Tompo. Efa tena tsara tamiko Ianao."

<sup>139</sup> Nikimpy ny masoko; ary nandre zavatra iray aho nanao hoe, "stomp, stomp; stomp, stomp."

<sup>140</sup> Nakariko ny masoko, ary tonga nitsangana teo anoloako mihitsy ny diera telo. Dia nieritreritra aho hoe, "Io ny anankiray an-dRahalahy Evans, ny an-dRahalahy Wood. Ary io ireo diera telo, hitanao, izay tena tadiaviko mihitsy." Ankehitriny, ritra ny orana; natsotrako ny tànako haka ny basiko. Hoy aho hoe, "Tsy afaka manao an'izao aho. Efa nampanantena an'Andriamanitra aho fa tsy hanao an'izao." Hitanareo? "Efa nampanantena Azy aho fa tsy hanao an'izao."

<sup>141</sup> Dia nisy zavatra nanao tamiko hoe, "Fa io izy io!"

<sup>142</sup> Dia nieritreritra aho hoe, "Eny, Sa... Izany no—no notenenin'ny lehilahy iray tamin'i Davida, indray mandeha hoe,

'Andriamanitra no nanolotra azy, hoy aho, ho eo an-tànanao!'"  
Fantatrareo, Saoly Mpanjaka.

<sup>143</sup> Ary niteny taminy i Joaba, nanao hoe, "Vonoy izy! Io izy mandry io!"

<sup>144</sup> Dia hoy izy hoe, "Andriamanitra no nandrara ahy mba tsy hikasihako ny Voahosony."

<sup>145</sup> Ary nitsangana teo ireo diera ireo ka njery ahy. Dia nieritreritra aho hoe, "Tsy afaka mandositra izy ireo. Tsy misy fomba handosiran'izy ireo. Tsy telopolo yards avy eo amiko akory izy ireo. Ary manana an'ity basy ity aho, mitsangana eto, ary eo ireo diera telo. Tsia, tsy afaka manao an'izany aho. Izaho—tsy afaka manao an'izany fotsiny aho." Diera vavy iray sy zana-diera roa goavana izany. Noho izany izaho—izaho—tsy afaka naka an'ilay basy fotsiny aho. Hoy aho hoe, "Tsy afaka aho." Izaho—tsy nihetsika mihitsy aho. Nijanona teo fotsiny aho. Hoy aho hoe, "Tsy afaka manao an'izany aho, satria efa nampanantena an'Andriamanitra aho fa tsy hanao an'izany. Na izany aza, ireo rahalahy ireo, izy ireo—tsy mila an'ireo diera izy ireo. Hitanareo? Izaho—tsy afaka manao an'io aho. Tsy afaka manao an'izany fotsiny aho."

<sup>146</sup> Dia tonga io diera vavy io, nanatona. Henoy ankehitriny, efa nisy lehilahy an-jatony no nitifitra azy ireo tany, nandritry ny efatra na dimy andro. Natahotra ve? Ny famantarana mena voalohany... Ary nanao akanjo mena aho, kasikety mena. Ny famantarana voalohany, dia lasa izy ireo; saingy nitsangana teo izy ireo, izy telo ireo, njery ahy mihitsy.

<sup>147</sup> Hoy aho hoe, "Neny, ento ny zazakelinao dia mandehana mankany anaty ala. Eto an-tànako ianao. Izaho... Eto an-tànako ny ainao, saingy tsy handratra anao aho. Efa nampanantena an'Andriamanitra aho fa tsy hanao." Hitanareo? Dia nanatona akaikikaiky izy. Nijery ahy izy. Nanatona akaikikaiky izy rehetra ireo, mandra-pahatongan'izy ireo ho tena akaiky mba hahafahan'izy ireo hihinana ny tònako, saiky. Izy ireo, ary nitsoka teo amin'izy ireo mihitsy ny rivotra. Noho izany dia nihodina izy, namindra niverina kely fotsiny, izy telo ireo.

<sup>148</sup> Dia indro izy fa niverina indray, nanatona ahy mihitsy. Tsy nihetsika mihitsy aho; nitsangana teo fotsiny. Hoy aho hoe, "Mandehana mankany anaty ala; izaho tia an'izany, ihany koa. Aoka ho velona! Hitanao, eto an-tànako ny ainao, saingy havelako ianao. Tsy afaka handositra ianao. Fantatrao fa tsy afaka ianao." Afaka namono azy telo ireo tao anatin'ny iray segondra teo aho, telo segondra, na ahoana na ahoana, haingana mihitsy arak'izay ahafahako mitifitra; ary tsy afaka nandositra izy ireo, nitsangana teo akaikiko mihitsy. Hitanareo? Dia hoy aho hoe, "Avelako ianareo. Mandehana, aoka ho velona." Dia

nitsangana teo aho. Lasa nandeha izy ireo, nandeha nankao anaty ala.

<sup>149</sup> Nofafako ny tarehiko tahaka an'izao, ary tamin'izay fotoana izay mihitsy dia nisy zavatra nitranga. Niteny ny Feo iray, tena mazava mihitsy, avy tao amin'ireo lanitra manga mihitsy, tsy nisy rahona iray. Izany rehetra izany fotsiny dia saiky tao anatin'ny . . . fotoana bitika kely fotsiny. Ary niteny ny Feo iray, ka nanao hoe, "Nahatsiaro ny fampanantenanao ianao, sa tsy izany?"

<sup>150</sup> Hoy aho hoe, "Eny, Tompo."

<sup>151</sup> Hoy Izy hoe, "Izaho dia hahatsiaro ny Ahy, ihany koa. 'Tsy handao anao mihitsy Aho na hahafoy anao.'" Niala tamin'ny foko ilay enta-mavesatra. Tsy tao intsony izany nanomboka teo; enga anie tsy ho ao intsony indray izany.

<sup>152</sup> Avy eo dia tonga tany Tucson aho. Zavatra hafahafa, tsy mbola nanana zavatra betsaka nitranga mihitsy aho, hatramin'ny nahatongavako. Izaho—mino aho fa Andriamanitra no nihazona an'izany ho an'io ora io. Mino aho fa antomotra ny fotoana ankehitriny, satria misy zavatra iray tsy maintsy miseho.

<sup>153</sup> Raha afaka mandray an'ity Fahamarinana ity fotsiny mantsy isika! Ankehitriny vetivety fotsiny. Raha mba afaka mahalala fotsiny ny dikan'ity Soratra ity mantsy isika hoe, "Izy izay ao anatinareo dia lehibe lavitra noho izy izay ao amin'izao tontolo izao." Tsy mety azontsika Izany, kanefa dia milaza isika fa mino an'Izany. Ary fantatsika fa marina Izany, saingy tsy azontsika marina tokoa Izany.

...lehibe izy izay ao anatinareo, noho izy izay ao  
amin'izao tontolo izao.

Inona no ao anatinareo, izay lehibe? Izany dia Kristy, ilay Voahosotra! Andriamanitra, izay tao amin'i Kristy, no ao anatinareo. "Lehibe Izy izay ao anatinareo, noho izy izay ao amin'izao tontolo izao."

<sup>154</sup> Koa raha Izy no ao anatinareo, dia tsy ianareo intsony no velona, Izy no velona ao anatinareo. Hitanareo? Tsy ny fisainanareo izany, izay heverinareo mikasika an'Ity; izany dia izay Nolazainy mikasika an'Ity. Hitanareo? Noho izany, raha Izy no ao anatinareo, dia tsy handà mihitsy tokoa an'izay Nolazainy Izy. Tsy afaka manao an'izany Izy. Fa hihazona an'izay Nolazainy Izy, ary miezaka Izy ny hahita an'io olona izay Azony hanamarinana ny Tenany io amin'ny alàlany.

<sup>155</sup> Ankehitriny, izany dia tsy midika fa tsy maintsy hanao an'izany amin'ny olona rehetra Izy. Tamin'ny fotoana izay nitarihan'i Mosesy ny zanak'Isirael, dia nisy anankiray, Mosesy izany. Ny sisa tamin'izy ireo dia nanaraka fotsiny an'ilay Hafatra. Hitanareo? Ny sasany tamin'izy ireo dia niezaka

nitsangana mba haka tahaka an'izany, fa hoy Andriamanitra hoe, “Saraho ny tenanao,” ary nitelina azy ireo fotsiny. Hitanareo? Hitanareo?

<sup>156</sup> Ankehitriny, fa, “Izy izay ao anatinareo dia lehibe noho izy izay ao amin’izao tontolo izao,” Andriamanitra ao anatinareo, tahaka Azy tao amin’i Jesosy Kristy. Satria, izay nahe-Andriamanitra rehetra, dia Nararany tao amin’i Kristy; ary izay rehetra nahe-Kristy, dia Nararany tao amin’ny Fiangonana. Hitanareo, izany no Andriamanitra ao anatinareo, “Izy izay ao anatinareo.”

<sup>157</sup> Tsy mahagaga raha nankatò Azy ireo rivotra sy onja, nankatò Ny Teniny; nankatò Ny Teniny, satria Izany no Tenin’Andriamanitra tamin’ny Alàlany. Lehilahy iray Izy; saingy Izy no Teny, tonga nofo. Hitanareo? Ary rehefa niteny Izy, dia izany no Andriamanitra niteny tamin’ny alàlan’ny molotr’olombelona. Hitanareo? Tsy mahagaga raha ireo rivotra sy onja . . . Ilay tena Mpamorona mihitsy, izay namorona an’ireo rivotra sy onja, no tao Aminy. Ankehitriny, eritrereto izany! Eritrereto lalina ankehitriny, alohan’ny ahatongavako eto amin’ity fotoan’ny famaranana ity. Tsy mahagaga raha nalemy teo amin’Ny Teniny ireo demony! Izany no Andriamanitra tao Aminy. Izany no Andriamanitra tao amin’i Kristy. Nalemy ireo demony. Tsy mahagaga ilay maty, izay niverina tamin’ny vovoka, raha tsy afaka nandry tao, tamin’Ny Teniny! Satria, Izy no Teny.

Nilaza tamin’i Lazarosy Izy, rehefa avy maty sy maimbo, efatra andro; ny tarehiny, ny orony, dia efa nilatsaka, tamin’io fotoana io mihitsy. “Lazarosy, mivoaha!” Ka lehilahy iray, maty, no nitsangana tamin’ny tongony. Nahoana? Izany no Andriamanitra. Izy izay tao amin’i Kristy no Andriamanitra. Tsy afaka nitsangana teo amin’Ny Fanatrehany ilay maty. Izany no Andriamanitra tao amin’i Kristy.

<sup>158</sup> Ireo rivotra, ankehitriny, tsarovy, Andriamanitra no namorona an’ireo rivotra; rivotra izany. Andriamanitra no namorona an’ireo onja; rano izany. Fa rehefa niditra tao anatin’izany ny devoly, dia nataony nivadibadika izany, mba hitondra fandravàna. Andriamanitra no namorona ny olona, mba ho zanak’Andriamanitra, saingy rehefa niditra tao amin’izy ireo ny devoly, hitanareo, dia olana ilay izy. Ankehitriny, izany ilay devoly izay niditra tao anatin’ireo rivotra izay nandefa an’io tafio-drivotra io. Tsy afaka ve ilay Mpamorona, izay namorona ny rivotra, hilaza hoe, “Miverena any amin’izay Namoronako anareo”?

Tsy izany ve ilay Mpamorona iray ihany izay nitsangana tany amin’ny havoanan’i Colorado indray andro? [Hoy ny fiangonana hoe, “Amena.”—Mpand.] Hitanareo?

Tsy izany ve ilay Anankiray ihany izay afaka naka sila-trondro iray ka namaky azy, ka nampitombo silany hafa iray? Tsy nila nanana an'izany tokoa Izzy. Afaka nilaza an'izany Izzy.

Tsy izany ve ilay Mpamorona iray ihany izay namorona vontsira? [Hoy ny fiangonana hoe, "Amena."—Mpand.] Noho izany, Izzy izay tao amin'i Kristy no ao anatintsika, hitanareo, satria manao an'ireo asa iray ihany izay Nataony Izany, ilay zavatra iray ihany.

Tsy afaka nitsangana teo amin'Ny Fanatrehany ilay maty, teo amin'Ny Teniny.

<sup>159</sup> Jereo, manana an'ireo fanambarana dimy mazava isika, an'ireo olona hoe "maty," ary nanome fahitana ny Tompo, ka nandeha teo amin'izy ireo ary nanangana azy ireo indray. Indro ny anankiray mipetraka, eto mihitsy ankehitriny, izay maty mihitsy eo amin'izay ipetrahany eo mihitsy. Ary indro izy velona, izao hariva izao; lavo tao anatin'ny aretim-po iray. Io ny vadiny, mpampivelona iray. Nanatona izahay; lasa ny zavatra rehetra, tsy nihetsika ny masonry, ary lasa. Indro eto izy, velona. "Fa lehibe Izzy izay *ato*, ao anatintsika, noho izy izay ao amin'izao tontolo izao!" Hitanareo?

<sup>160</sup> Lehibe Izzy! Andriamanitra izany, ilay Mpamorona! Tsy maintsy nankatò Azy ireo rivotra sy onja. Lasa nalemy ireo demony. Nankatò Azy ny natiora rehetra, satria Izzy no Mpamorona ny natiora. Oh, rehefa mieritreritra an'izany isika, dia izany no manaisotra an'ilay kaikitra. Amin'izay fotoana izay dia azontsika ireo zavatra ireo, hitanareo. Inona izany? Tsy olona izany. Tsy afaka manao an'izany ny olona; ny olona dia ampanhan'ny famoronana. Hitanareo? Fa ireo rivotra sy ireo onja dia mankatò an'ilay Mpamorona. Hitanareo?

Ary mila ny Mpamorona ny fanaovana an'izany, "Fa Izzy izay ao anatinareo dia lehibe noho izy izay ao amin'izao tontolo izao." Izzy izay afaka nanao an'ilay korontana, izany ilay izy izay ao amin'izao tontolo izao. Izzy izay ao anatinareo, dia ilay Mpamorona, Izzy nanao an'ireo rivotra. Afaka miteny mafy an'ilay devoly hivoaka ao amin'ireo rivotra Izzy, dia misy fahatoniana iray. Afaka mandroaka an'ilay devoly hivoaka ao amin'ilay tafio-drivotra Izzy, dia tsy misy tafio-drivotra intsony. Izzy no Mpamorona. "Ary lehibe Izzy izay ao anatinareo, noho izy izay ao amin'izao tontolo izao." Hitanareo?

<sup>161</sup> Avy amin'izao tontolo izao ny devoly. Azy izao tontolo izao. Efa azy foana izany. "Nahoana no lavo ianao, O ry Losifera, ilay zanaky ny maraina?" Hitanareo, azy ity izao tontolo izao ity. Izany dia rehefa izy, voaroaka avy tany An-danitra, niverina teo amin'izany indray. Hitanareo?

<sup>162</sup> Izzy ilay anankiray izay nilaza tamin'i Kristy hoe, "Ahy ireo fanjakana ireo, ataoko amin'izy ireo izay tiako." Azy izy ireo, ary izy ilay anankiray izay "ao amin'izao tontolo izao."

<sup>163</sup> Vao avy niteny tamin'ireo mpianatra i Jaona hoe, "Efa renareo ny amin'ny antikristy izay ho avy, ary efa tonga eto izy miasa ao amin'ireo zanaky ny tsi-fankatoavana. Fa, rankizy madinika, tsy avy amin'ity izao tontolo izao ity ianareo. Avy amin'Andriamanitra ianareo. Ary lehibe Izzy izay ao anatinareo, noho izy izay ao amin'izao tontolo izao." Izany no Kristy ao anatinareo!

<sup>164</sup> Izzy izay—izay namorona ny lanitra sy ny tany, dia tonga voaseho tao amin'ny Olon'i Jesosy Kristy; Andriamanitra ao amin'i Kristy, mampihavana an'izao tontolo izao amin'ny Tenany.

Ndao ataontsika hoe hoy ianareo hoe, "Izany dia Zanak'Andriamanitra, na izany aza, Rahalahy Branham." Eny ary, ndao jerentsika raha Izzy no ilay Mandrakizay, Andriamanitra mandrakizay.

<sup>165</sup> Lehibe Izzy izay tao anatin'i Josoa, noho ilay masoandro. Fa Josoa dia lehilahy iray, teraka tamin'ny fahotana, tahaka ahy sy ianareo. Ary lehibe Izzy izay tao anatin'i Josoa, sy tao anatin'ilay masoandro izay nandeha araka ny didin'Andriamanitra. Andriamanitra no nandidy an'io masoandro io mba hamiratra sy hanodina ny tenany, ary entina sy fehezin'ireo lalàñ'Andriamanitra izy. Fa lehibe Izzy izay tao anatin'i Josoa, noho ireo lalàñ'Andriamanitra; satria ilay Mpamorona, Izzy tenany, no tao anatin'i Josoa rehefa niandranda nankany amin'ny masoandro i Josoa ka nanao hoe, "Mijanòna ianao eo amin'izay misy anao. Ary, ry volana, miabantòna ianao eo amin'izay misy anao, mandra-pahavitako an'ity ady ity." Dia nankatò azy ny masoandro sy ny volana, satria Izzy izay tao anatin'i Josoa dia lehibe nohon'ny—ny masoandro sy ny volana. Izzy izay tao anatin'i Josoa!

<sup>166</sup> Izzy izay tao anatin'i Mosesy, dia lehibe noho i Egypta. Egypta no tafika mahery an'izao tontolo izao, nandresy an'izao tontolo izao izy ireo tamin'izany fotoana izany. Fa lehibe Izzy izay tao anatin'i Mosesy, noho i Egypta, satria nandresy an'i Egypta i Mosesy. Lehibe Izzy izay tao anatin'i Mosesy, noho ny natiora izy tenany aza. Efa mba noeritreretinareo ve fa naka Ny Teniny Andriamanitra ka nanome an'Izany an'i Mosesy, ka nanao hoe, "Mandehana mankany ka didio mba tsy hamiratra io masoandro io?" Dia mainty tanteraka ilay masoandro! Marina ve izany? Afaka manao ny masoandro hihiratra sy ireo rahona hiala Izzy, na afaka manao ny masoandro ho mainty Izzy. Andriamanitra Izzy; afaka manao an'izay Tiany hatao Izzy, ary ao anatin'ny zanaka mino Izzy! Amena. Izay ilay izy.

<sup>167</sup> Tsy nisy parasy iray hita. Mety andro ririnina tamin'izany, tsy nisy lalitra, saingy hoy Andriamanitra tamin'i Mosesy hoe, "Mandehana teneno Ny Teniko, ary Izaho hametraka ao an-tsainaiz izay ho lazaina. Ary mandehana ianao any ka maka

vovoka kely amin'ny tany, ary atsipazo eny amin'ny rivotra izany, ilay vovoka."

<sup>168</sup> Dia hoy izy, "Aoka hisy parasy!" Dia nandadilady ireo parasy angamba inches maromaro ny halaliny, ary manerana ny tany rehetra, tao anatin'ny ora vitsy. Marina ve izany? Ilay Mpamorona!

<sup>169</sup> Tsy nisy sahona mihitsy teo, noho izany dia naninjitra ny tehiny izy ka nanao hoe, "Aoka hisy sahona!" Ary hatraiza hatraiza izy ireo, nanao antontany, hany ka maimbo ilay firenena manontolo. Marina ve izany?

<sup>170</sup> Rehefa tonga teo amin'ny Ranomasina Mena izy ka teo amin'ny lâlany izany, dia hoy Andriamanitra hoe, "Mitenena amin'ny ranomasina." Dia niteny tamin'ny ranomasina i Mosesy; ary lehibe Izy izay tao anatin'i Mosesy, noho ilay ranomasina izy tenany. Marina ve izany? Oh, oadray! Ankehitriny, hitanareo, lehibe Izy izay tao anatin'i Mosesy, noho izy izay tao amin'izao tontolo izao. Lehibe Izy izay tao anatin'i Mosesy, noho ny natiora rehetra izay misy eto amin'izao tontolo izao. Izy no nandidy ny natiora. Tamin'izay rehetra notenenin'Andriamanitra taminy ho lazaina, dia nolazainy izany, ary tahaka an'izany ilay izy.

<sup>171</sup> Io Andriamanitra iray io ihany no miaraka amintsika izao hariva izao! Tsy miaraka amintsika fotsiny, fa ao anatintsika! Izy no nanapororo fa tao anatintsika Izy. "Lehibe Izy izay ao anatinareo, noho izy izay ao amin'izao tontolo izao." Inona no atahorantsika, an'izao tontolo izao?

<sup>172</sup> Teto izy ireo indray andro dia nahita ny—karazana nifindinôzôrô iray, teto tany amin'ny... Ataoko fa nandre mikasika an'izany ianareo rehetra; teto tany Niagara Falls. Hoy izy ireo, "Nilanja enina livatra ilay izy." Nihevitra aho fa hilaza izy ireo hoe avy tamin'ny olona iray izany, saingy izaho—heveriko fa farany dia nofaritan'izy ireo ho karazana biby fahiny ela be ilay izy. Ireny biby ireny dia efa niaina teto an-tany indray mandeha angamba. Aiza izy ireo ankehitriny?

Fantatrareo ve, fa afaka mandidy dinôzôrô ho tonga eto ambonin'ity tany ity Andriamanitra Tsitoha, ka ao anatin'ny ora manaraka dia ho any amin'ny efapolo maily ny hateviny? Fantatrareo ve, fa afaka mandrava an'ity izao tontolo izao ity amin'ny parasy Andriamanitra? Afaka miantsosy parasy Izy. Mankaiza izy ireo rehefa maty? Inona no mitranga amin'ny lalitra an-trano? Inona no mitranga amin'ny valala? Tonga ny ririnina, ary lasa efapolo ambanin'ny aotra; ary, mivoaha amin'ny lohataona manaraka, fa manerana hatraiza hatraiza ny valala. Avy taiza izy ireo? Izy no Mpamorona izay miteny an'izany ho amin'ny fisiana! Andriamanitra Izy! Mankatô Ny Teniny ny natiora.

<sup>173</sup> Eo no mahatonga ny maro amin'ireo rahalahintsika ho lasa taitaitra, mihevitra izy ireo fa Andriamanitra no milaza

mba hanao zavatra iray, ary milaza izy ireo fa izany no HOY NY TOMPO HOE nefo tsy izy izany. Izany no antony tsy hitrangan'ilay izy.

Fa rehefa tena miteny aminareo marina tokoa Andriamanitra, dia tsy maintsy mitranga ilay izy, tsy maintsy ho tahaka an'izany ilay izy. Hitanareo? Rehefa Andriamanitra no miteny an'ilay izy, dia tsy maintsy misy izany.

<sup>174</sup> Lehibe Izay tao anatin'i Mosesy, noho izy izay tao amin'i Egypta. Lehibe Izay tao anatin'i Mosesy, noho ny zavatra rehetra izay azon'i Farao natao, ny famosaviany rehetra. Lehibe Izay tao anatin'i Mosesy, noho izy izay tao amin'ireo mpanao majia. Hitanareo? Lehibe Izay tao anatin'i Mosesy, noho ny natiora rehetra.

<sup>175</sup> Lehibe! Izay tao anatin'i Daniela dia lehibe noho ireo liona. Afaka nanakana an'ireo liona noana ireo Izay. Noho izany ny zavatra rehetra izay afaka manakana ny zavatra rehetra, dia lehibe noho izay nanakana azy. Noho izany dia nivoaka haingana ireo liona, noana, mba hihinana an'i Daniela; fa lehibe Izay tao anatin'i Daniela, noho izy izay tao amin'ny liona.

<sup>176</sup> Ankehitriny, rehefa noforonina ny liona tamin'ny voalohany, dia sakaizan'ny olona izy. Ny devoly no manao azy hanao an'io. Marina izany. Ao amin'ny Arivo taona, dia hiara-hihinana ny amboadolia sy ny zanak'ondry, ary hihinana mololo tahaka ny ombilahy ny liona, ka handry hiaraka amin'ny ombilahy. Tsy handratra na hanimba izy ireo ao amin'ny Arivo taona. Ho lasa ny devoly. Ny devoly no manao an'ireo bibidia handrovitra sy handriatra ary hihinana, sy ireo zavatra tahaka an'izany, ny fomba ataon'izy ireo. Satana no manao an'izany. Fa lehibe Izay tao anatin'i Daniela, noho izy izay tao amin'ny liona. Hitanareo? Lehibe Izay tao anatin'io mpaminany io, noho izy izay tao amin'ny liona.

<sup>177</sup> Lehibe Izay tao anatin'ireo zanaka Hebreo, lehibe Izay tao anatin'izy ireo, noho izy izay tao amin'ny afo. Satria natsipy tao anatin'ny afo izy ireo; fa Izay tao anatin'izy ireo, no niaraka tamin'izy ireo, ka nihazona an'ilay afo tsy handoro azy ireo rehefa nafanaina hahamay impito lavitra nohon'ny namanana azy hatramin'izay ilay lafaoro, nafanaina. Marina ve izany? Lehibe Izay niaraka tamin'ireo zanaka Hebreo, noho izay tao amin'izao tontolo izao.

<sup>178</sup> Nipetraka teo i Nebokadnezara, na Beltesazara. Nebokadnezara, mino aho fa izay ilay izy, izay namàna an'ilay lafaoro hahamay impito lavitra noho ny naха-izy azy hatramin'izay. Voatsindrimandrin'ny devoly, mba haka an'ireo olona ireo, satria nanohana ny Tenin'Andriamanitra izy ireo; ary nanipy azy ireo tao anatin'io lafaoro io, nahamay impito lavitra noho ny naха-izy azy hatramin'izay, nefo tsy afaka nandoro azy ireo akory aza izany. Satria lehibe Izay izay niaraka tamin'i

Sadraka, Mesaka, ary Abednego, noho izy izay tao amin'izao tontolo izao. Tena izany tokoa! Oh, oadray!

<sup>179</sup> Lehibe Izy izay tao anatin'i Elia, noho ireo lanitra nivolom-barahina, satria afaka namoaka orana avy tao amin'ny lanitra nivolom-barahina iray izy izay tsy nanorana nandritry ny telo taona sy enim-bolana.

Lehibe Izy izay tao anatin'i Elia, nohon'ny fahafatesana. Satria, rehefa tonga ny fotoana hahafatesany, dia hitan'Andriamanitra io mpaminany antitra, reraka io. Nananatra an'i Jezebela sy ireo lokon-tarehiny rehetra ary ireo zavatra moderina izy, ka somary reraka kely izy, noho izany dia tsy namela azy handeha an-tongotra hody any an-trano akory aza Izy, tahaka ny Nataony tamin'i Enoka. Nandefa kalesy iray Izy ary nampakatra azy, ary nitondra azy nankany an-Trano. Lehibe Izy izay tao anatin'i Elia, noho izy izay tao Jerosalema sy tao Jodia, ary tao amin'ireo tendrombohitra. Lehibe Izy izay tao anatin'i Elia, noho ny fahafatesana izy tenany. Lehibe Izy izay tao anatin'i Elia, noho ny fasana; satria afaka tamin'ny fasana izy, afaka tamin'ny fahafatesana izy, ka nandeha niakatra tany an-Trano tao anatin'ny kalesy iray fotsiny. Hitanareo, lehibe Izy, ary Izy no tao anatin'i Elia.

<sup>180</sup> Hoy ianareo hoe, “Oh, eny, lehilahy malaza iray io.”

<sup>181</sup> Andraso iray minitra! Hoy ny Baiboly hoe, “Izy dia lehilahy iray izay nanana fihetseham-po,” tahaka ahy sy ianareo. Marina izany. Saingy rehefa nivavaka izy, dia nino fa azony izay nivavahany; izany no nolazain'i Jesosy tamintsika hoe, “Rehefa mivavaka ianareo, dia minoa fa azonareo izay angatahanareo, dia ho hatao izany.” Nahery nivavaka izy mba tsy hanorana, dia tsy nanorana nandritry ny telo taona sy enim-bolana ny andro. Hitanareo? Lehibe Izy izay tao anatin'i Elia, noho ny natiora.

<sup>182</sup> Noho izany dia ahoana ny amin'ny fahasitranan'ny marary? Hitanareo? Lehibe Izy izay ao anatinareo, noho ny aretina. Hitanareo? Satria, fampiatoana iray izany, mampiato an'ireo tena lalàn'Andriamanitra mihitsy, izany ny aretina. Eny, ny “lehibe” dia Izy izay ao anatinareo, izany hoe ilay Mpamasitrana sy Mpamorona, noho ny—noho ny devoly izay nampiato ny tena fandaharan'ny fiainanareo mihitsy. “Lehibe Izy izay ao anatinareo, noho izy izay ao amin'izao tontolo izao.” Hitanareo?

Lehibe Izy izay tao anatin'i Elia! Lehibe Izy izay tao anatin'i Isaia, noho ny fotoana; na ny iray tamin'ireo mpaminany ireo, satria nahita ny tany ankoatry ny fotoana izy ireo. Hitanareo?

<sup>183</sup> Lehibe Izy izay tao anatin'i Joba, noho ireo kankan'ny hoditra mihitsy aza, sy ny fahafatesana ary ny fasana. Satria, tamin'ny alàlan'ny fahitana iray dia nahita ny fihavian'ny Tompo izy, ka nanao hoe, “Velona ny Mpanavotro, ka hitsangana eto ambonin'ny tany Izy amin'ny andro farany; fa na dia levon'ny kankan'ny hoditro aza ity vatana ity, dia mbola hahita

an'Andriamanitra amin'ny nofoko aho." Hitanareo? Lehibe Izay izay tao anatin'i Joba, noho ny fahafatesana; lehibe, satria niezaka naka azy ny fahafatesana fa tsy afaka nanao an'izany izy. Tsy afaka nanao an'izany izy, satria hoy izy hoe, "Hitsangana indray aho," ary nitsangana izy. Nitsangana izy.

<sup>184</sup> Henoy, maniry aho ny hanana fotoana handehanana lavidavitra eo amin'ity. Saingy te-hametraka an'ilay fanontaniana aho, fa nandre fanamarihana aho indray andro, mikasika ny hoe, "Kristy ao anatinareo."

Ankehitriny, aza—aza manankina an'izany eo amin'ny zavatra iray izay nataonareo; manao hoe, "Nahatsapa fangovitana kely iray aho. Izaho—izaho—efa niteny tamin'ny fiteny tsy fantatra aho. Izaho—efa nandihy tao amin'ny fanahy aho." Tsy misy na inona na inona manohitra an'izany, ankehitriny. Mety tsara daholo izany, hitanareo, izany dia, fa aza miankina amin'izany. Hitanareo?

Ny fiainanareo dia tokony ho *Ity*. [Mikapokapoka ny Baiboliny Rahalahy Branham—Mpand.] *Ity* no Izay. Ianareo sy *Ity* dia tokony ho iray, hitanareo, ary avy eo dia *Ity* no maneho ny Tenany. Hitanareo?

<sup>185</sup> Ankehitriny ahoana moa raha—ahoana moa raha afaka nilaza ianareo izao hariva izao, amin'ny fonareo rehetra, fa ny fanahin'i Shakespeare no velona tao anatinareo, fa Shakespeare no velona tao anatinareo? Fantatrareo ve izay hataonareo? Hanao an'ireo asan'i Shakespeare ianareo. Hanao ianareo. Hanao ianareo. Hamorona tononkalo ianareo sy—sy lalao antsehatra, sy ny sisa, satria karazan'io artista io i Shakespeare, mpanoratra malaza iray, mpanoratra tononkalo. Ankehitriny, raha i Shakespeare no velona tao anatinareo, dia ireo asan'i Shakespeare no hataonareo. Marina ve izany?

<sup>186</sup> Ahoana moa raha i Beethoven no velona tao anatinareo? Ahoana moa raha i Beethoven no velona tao anatinareo? Fantatrareo ve izay hataonareo? Hanoratra hira tahaka an'i Beethoven ianareo, ilay mpamoron-kira malaza. Hanoratra hira tahaka an'i Beethoven ianareo, satria i Beethoven no ho fiainanareo. Ho Beethoven iray ianareo, velona tamin'ny endrika hafa, indray. Raha i Beethoven no velona tao anatinareo, dia ireo asan'i Beethoven no hataonareo, satria Beethoven no velona tao anatinareo. Marina ve izany?

<sup>187</sup> Fa Izay izay ao anatinareo dia Kristy! Ary raha Kristy no ao anatinareo, dia ireo asan'i Kristy no hataonareo, raha Kristy no velona ao anatinareo. Izay no niteny an'izany. Masindahy Jaona 14:12, "Izay mino Ahy, ireo asa izay Ataoko no hataony koa," raha tao amin'i Kristy ianareo, na Kristy no velona tao anatinareo. Noho izany, Kristy no Teny. Marina ve izany? Ary ny Teny dia tonga amin'ireo Mpaminaniny. Hitanareo? Ary raha, ianareo, Kristy no velona tao anatinareo, dia ho vita amin'ny

alàlanareo ireo asan'i Kristy, ho velona amin'ny alàlanareo ny Fiainan'i Kristy. Ireo asa izay Nataony, ny fiainana izay Niainany, sy ny zavatra rehetra, ho velona ao anatinareo izany; tahaka ny hoe raha i Shakespeare fotsiny, Beethoven, na—na iza na iza no velona tao anatinareo.

<sup>188</sup> Raha Ny Fiainany! Fa raha mbola miaina amin'ny fiainanareo manokana foana ianareo, amin'izay fotoana izay dia ireo asanareo manokana no hataonareo. Hitanareo? Fa raha miaina amin'ny Fiainan'i Kristy ianareo, raha Kristy no ao anatinareo dia, “Izy izay ao anatinareo dia lehibe noho izy izay ao amin'izao tontolo izao.” Raha ireo fisalasalanareo sy fahasorenanareo mikasika ny teny fikasan’Andriamanitra no ao anatinareo, amin'izay fotoana izay dia tsy ao Kristy; hitanareo, taitaitra fotsiny ihany ianareo. Fa raha ny Fiainana, raha Kristy no velona ao anatinareo, dia hanaiky Ny Teniny Izy ary Hataony ny Fampantanantenany. Hitanareo? Hanao Izy.

<sup>189</sup> “Rehefa mivavaka ianareo, dia minoa fa azonareo izay angatahanareo, dia homena anareo izany. Raha milaza amin’ity tendrombohitra ity ianareo hoe, ‘Mifindrà,’ ka tsy misalasala ao am-ponareo, fa mino fa izay lazainareo dia hiseho, dia afaka mahazo an’izay lazainareo ianareo. Miasa ny Ray, ary Izaho miasa hatramin’izao. Marina tokoa, marina tokoa, Lazai ko aminareo, ny Zanaka tsy afaka manao na inona na inona amin’ny Tenany; fa izay Hitany ataon’ny Ray, dia toy izany no ataon’ny Zanaka.” Hitanareo? Ary rehefa nasehon’ny Ray Taminy izay hatao; nandrosy teo tsy nisy tsi-fahombiazana tamin’ny zavatra iray, ka nanao hoe, “Aoka hisy,” dia nisy izany.

Ary ilay Kristy iray io ihany no miaina ao anatinareo. Miaina ao anatintsika Izy. Amin'izay fotoana izay dia ireo Asany no hataontsika, satria Kristy no Teny, ary ny fampanantenan’ny Teny no mitondra ny fanasitravana ho anareo. Mino an’izany ve ianareo? [Hoy ny fiangonana hoe, “Amena.”—Mpand.] Azo antoka!

<sup>190</sup> Hoy Izy hoe, “Tsy hamela anareo ho kamboty Aho.” Araka ny nivavahako, nangatahako vao teo, tao amin’ny Matio 24, hitanareo, na Matio 28:20. Hitanareo? Hoy Izy hoe, “Hankaty aminareo Aho, ho ao anatinareo. Izaho,” ilay Olona, Kristy, amin’ny endrika Fanahy Masina, “dia ho avy ka hiaina ao anatinareo. Amin'izay fotoana izay ianareo dia tsy ho—tsy ho irery intsony ianareo. Ho ao anatinareo Aho. Fa lehibe Izy izay ao anatinareo, noho izy izay ao amin'izao tontolo izao.” Hitanareo? Hoy ny Hebreo 13:8 hoe, “Izy no tsy miova, omaly ary mandrakizay.”

<sup>191</sup> Izy izay tao anatin'i Noa dia lehibe noho ny fitsaran'ny rano.

Ary Izy izay ao anatinareo dia lehibe noho ireo fitsaran'ny afo. Hitanareo? Izy izay ao anatinareo dia lehibe, satria Izy no nandoa ny fitsarana ary nandresy ny fitsarana ho

anareo. Hitanareo? Tsy misy tahotra intsony mikasika an'izany. Hitanareo, ao anatiny ao ianareo. Eny.

Lehibe Izay izay tao anatin'i Noa, noho izy izay tao amin'ireo fitsaran'ny rano, izay nandrava an'izao tontolo izao izay tsy nino. Satria, nino i Noa. Ka lehibe Izay izay tao anatiny, izay nino fa Izay no niresaka taminy, noho izy izay tao amin'izao tontolo izao. Fa, afaka tamin'ny fitsarana rehetra i Noa, satria ny Tenin'Andriamanitra dia lehibe noho izany, ka niainga teo ambonin'ireo fitsarana izy.

“Lehibe!” Toy ny ahoana no ahafahantsika hijanona eo amin'izany vetylity! Hitanareo?

<sup>192</sup> Lehibe Izay izay tao anatin'i Davida, noho ilay bera izay nangalatra ny ondriny. Lehibe Izay izay tao anatin'i Davida, noho ilay liona izay tonga ka naka ny iray tamin'ireo zanak'ondriny. Lehibe Izay izay tao anatin'i Davida, noho ilay fahavalo, Goliata. Ilay Filistina nalaza izay nitsangana teo, roa ambin'ny folo, efatra ambin'ny folo dian-tongotra ny halavany, niaraka tamin'ny rantsan-tàhana efatra ambin'ny folo inches teo aminy; niaraka tamin'ny lefona iray tahaka ny fanjaitra fanenomana; ary voasarona manontolo tamin'ny roa na telo inches ny hateviny, tamin'ny vy na metaly, varahina. Fa izay tao anatin'i Davida dia lehibe noho izay tao aminy.

Izy dia hery, hozatra. Mpiady iray izy. Izy dia afaka, nilaza fotsiny fa hanindrona an'i Davida amin'ny lohan'ny lefony izy ka hanantona azy, ary hamela ny vorona hihinana azy.

<sup>193</sup> Fa hoy i Davida hoe, “Ianao manatona ahy toy ny Filistina iray, amin'ny anaran'ny Filistina iray. Manozona ahy amin'ny anaran'ny andriamaniry ny Filistina ianao.” Dia hoy izy, “Nanao ny fandokafanao an'izay hataonao ianao. Ary manatona ahy amin'ny fiadiana sy ny lefona ianao. Fa izaho kosa manatona anao amin'ny Anaran'ny Tompo Andriamanitra, ka androany no hanesorako ny lohanao hiala amin'ireo sorokao.” Ary nataony izany, satria lehibe Izay izay nanindrimandry an'i Davida ho an'io fahasahiana io.

<sup>194</sup> Lehibe Izay izay ao anatinareo, noho io sezamisy kodiarana io. Lehibe Izay izay ao anatinareo, noho io fitondra-marary io. Lehibe Izay izay ao anatinareo, noho io homamiadana io. Lehibe Izay izay ao anatinareo, noho io fahoriania io. Lehibe Izay, noho ny zavatra rehetra izay misy ka azon'ny devoly apetraka eo aminareo. “Lehibe Izay izay ao anatinareo, noho izy izay ao amin'izao tontolo izao.” Lehibe Izay! Eny!

Lehibe i Davida, izay tao anatin'i Davida; Andriamanitra tao anatin'i Davida.

<sup>195</sup> Ao anatintsika Izay, izany hoe, ilay Kristy. Izay ilay mpandresy ny fahavalo rehetra, ho antsika. Rehefa teto an-tany Izay, dia nandresy ny fahotana Izay, nandresy ny aretina Izay, nandresy ny fahafatesana Izay, nandresy ny helo Izay, nandresy ny fasana Izay,

ary ankehitriny Izy dia velona ao anatintsika ho ilay Mpandresy! Nandresy ny aretina Izy, ny helo, ny fahafatesana, ny fasana, ary tonga eo amintsika mba hanafaka antsika amin'ireo zavatra rehetra ireo. Ary lehibe Izy izay ao anatinareo, noho izy izay afaka mametraka an'ireo hambo ireo eo aminareo. Eny! “Lehibe Izy izay ao anatinareo, noho izy izay ao amin'izao tontolo izao.”

<sup>196</sup> Izany no nahatonga an'ireo fahagagana ireo hitranga. Izany no nahatonga an'iо rivotra io nitsahatra, indray andro. Afaka hahavita an'izany ve ny olombelona iray? Tsia, tompoko, tsy azo atao izany. Rehefa nitsangana tany aho, nitomany, ka namely ireo rivotra, ary . . .

Firy ato, no tany? Aoka ho hitanay ianareo hanangana ny tānanareo. Atsangano ny tānanareo, ny olona rehetra izay tany, izay tany Colorado tamin'izany tamin'ny—tamin'io fotoana io. Eny àry. Rahalahy Fred, heveriko, no anankiray fotsiny ihany izay nanatrika, tamin'izany. Nihevitra aho fa tany angamba Rahalahy Mann, saingy izy . . . Rahalahy, Rahalahy Evans, sa tsy izany? Tany Rahalahy Evans tamin'io fotoana io. Hia. Eny àry. Ary, hia.

<sup>197</sup> Mariho. Tsy ny fahamarinana ve izany? Tsy tahaka an'izany ve no nitrangan'ilay izy? Nitsahatra fotsiny ilay orana, ary nitsahatra tsy nitsoka ireo rivotra. Inona izany? Tamin'ny teniko ve? Tsia! Satria Izy no niteny tamiko hanao an'izany. Fa lehibe Izy izay ao anatintsika, noho ny natiora rehetra. Tsy izany ve ilay Andriamanitra iray ihany izay afaka nampipetraka tsara an'ireo onja teo amin'ny ranomasina, afaka nanao an'ireo rivotra hiverina tany amin'ny toerany? Tsy Izy ve ilay Anankiray ihany izay afaka nanamaizina ny masoandro, afaka nanao ny masoandro hihiratra? Eny, “Lehibe Izy izay ao anatinareo, noho izy izay ao amin'izao tontolo izao.” Hitanareo? Eny àry.

<sup>198</sup> Ankehitriny izany no antony nahafahan'ireo fahagagana marina ireo ho vita, satria teny fikasana iray an'Andriamanitra izany hoe, “Ireo zavatra izay Ataoko, no hataonareo koa.” Masindahy Jaona 14:12. Izy, Kristy, izay nampipetraka tsara an'ireo rivotra sy onja, no Mpamorona azy ireo. Mbola Mpamorona foana mihitsy tahaka ny naha-izy Azy tamin'izany fotoana izany Izy. Izy no tsy miová omaly, anio, ary mandrakizay.

Nanasitrana ny marary Izy ary nandrava ny fahotana, sy nanova an'izany rehetra izany ho anareo, ka tonga teo aminareo mba Ahafahany monina miaraka aminareo. Nandresy an'ireo rehetra ireo Izy, mba ho tonga ka ho velona ao anatintsika. Izy no ilay Mpandresy izay efa nandresy an'ireo zavatra ireo; nanaporofo an'izany tao amin'ny Soratra, niverina indray ka nandresy ny zavatra rehetra, ary nanaporofo taminareo fa Izy no Andriamanitra tsy miová. Ary taorian'ny sivinjato sy arivo taona, dia indro Izy fa mbola manao an'ilay zavatra iray ihany

eto anivontsika izay Nataony tamin'izany, izay nandresy ny fahafatesana, ny helo, ny aretina, ary ny fasana!

<sup>199</sup> Ity Kristy ity, ity "Izy" ity, Izy no Izy izay ao anatinareo. Izy no Kristy. Araka ny nolazain'i Jaona hoe, "Izy izay ao anatinareo dia lehibe noho izy izay ao amin'izao tontolo izao." Kristy izany! Izy dia lehibe noho izao tontolo rehetra izao satria Izy no nandresy an'izao tontolo izao, ary ilay lehibe, noho ireo zavatra rehetra ireo, satria Izy no nandresy an'izany ho antsika. "Ary mihoatra noho ny mpandresy isika amin'ny alàlan'Ilay tia antsika ka nanolotra ny Tenany ho antsika," mba Ahafahany hiverina indray ka hanao an'ireo Asany amin'ny alàlantsika, mba hanaporofo amintsika fa Izy no tsy miova omaly, anio, ary mandrakizay.

Rehefa teto an-tany Izy, dia Noporofoiny rehefa nitsangana teo anivon'ny olona Izy, fa Izy no Mesia. Afaka namantatra an'ireo eritreritra izay tao am-pon'izy ireo Izy. Ary ny Baiboly no nilaza, Mosesy no nilaza, hoe, "Ho mpaminany iray Izy." Marina ve izany? Nahafantatra an'ireo tsiambaratelon'ny fo Izy. Fantany hoe iza ireo olona ireo. Fantany hoe inona no tsy nety tamin'izy ireo. Efa nahita an'izany natao ve isika? [Hoy ny fiangonana hoe "Amena."—Mpand.] Imbetsaka sy imbetsaka!

<sup>200</sup> Fantatsika fa nitsangana ny maty, avy tamin'ny maty mihitysy. Ny sasany tamin'izy ireo dia efa maty nandrity ny iray andro sy tapany. Eny, maty indray maraina, ary nentin'izy ireo niverina izy tamin'io hariva io, ary nanao dia alina manontolo; ary ny ampitso teo amin'ny mitataovovonana teo, na taoriana kelin'ny mitataovovonana, dia tonga teo amin'izay nisy an'ilay tranolay izy. Zaza kely maty iray, nangatsiaka, ary nandry teo an-tsandrini'lay reny. Ary ny Tompo Andriamanitra no nitondra, niteny ny Tenin'ny Fiainana, ka niha-nafana io zazakely io ary nanomboka nitomany; namerina azy teo an-tsandrini'ny reniny indray.

<sup>201</sup> Rtoa. Stadklev, nitsangana tany nahita an'izany vita, izany no antony tena nitomaniany ho an'ny zazakeliny, nila ahys handeha hankany Alemania. Fa hoy ny Tompo hoe, "Tànako io; aza miteny mafy an'io ianao." Hitanareo, mahafantatra tsaratsara kokoa ianareo.

Rehefa niteny tamin'i Mosesy Izy, nanao hoe, "Mitenena amin'ny vatolampy," aza kapohina izy. Izany dia nidika hoe "mitenena," aza mikapoka, hitanareo. Tsy maintsy mankatò an'izay Lazainy hataeo ianareo. "Fa tsy misy olona afaka manao na inona na inona amin'ny tenany," tsy maintsy mihaino an'ilay izy avy amin'Andriamanitra aloha izy.

<sup>202</sup> Ankehitriny ny Tenin'Andriamanitra no nampanantena fa velona Izy. Ary, satria velona Izy, dia velona ianareo. Izy no nampanantena, hoe, "Ireo asa izay Ataoko no hataonareo koa. Ireo zavatra iray ihany, ambonin'izany fotsiny, no hataonareo,

satria mandeha mankany amin'ny Ray Aho.” Nandresy ny zavatra rehetra Izzy. Izzy no Anankiray izay nampijanona . . .

Izy no Anankiray izay nanao an'ireo vontsira ireo. Indroa no nitrangan'izany. Nitrange indray mandeha tany amin'ny toeranao, ry Charlie. Ary nitrange izany—nitrange izany teto rehefa, ireo rahalahy, Rahalahy Fred sy Rahalahy Banks ary izy ireo no tany niaraka taminay.

<sup>203</sup> Nitrange izany tany Alemania, rehefa ireo mpampianatra mpamosavy dimy ambin'ny folo teo amin'ny ilako avy, nanao hoe . . . Satria i Billy sy Rahalahy Arganbright dia tsy namela azy ireo—azy ireo hahita ahy, hoy izy ireo hoe, “Eny, hanao an'io tranolay io ho tssofin'ny rivotra izahay.” Dia nipetraka teo izy ireo, niaraka tamin’ny majiany, ary niantso ny andriamaniny, ny devoly, ary indro izy tonga niaraka tamin’ny tafio-drivotra iray. Alemany teo amin'ny telo alina, efatra alina no tany, ary niakatra ambony-sy-ambony fotsiny tahaka an’izao ilay tranolay.

Izy ireo, ary avy eo dia nanety, naka hety iray ary nanety volom-borona iray, ka nanondro an'ilay izy nivadika tahaka an’izao. Dia nanao tsianjery ny, nanao an'ireo majiany rehetra, ary nanao tsianjery an'ireo teny masina telo izay lazain’izy ireo hoe, “Ny Ray, ny Zanaka, ny Fanahy Masina; lo-lo-lo-lo-lo! Ny Ray, ny Zanaka, ny Fanahy Masina; lo-lo-lo!”

<sup>204</sup> Nanao tahaka an’izany, ary tonga tokoa ilay tafio-drivotra. Azo antoka. “Izy no andrian’ny hery eny amin'ny rivotra,” Satana. Ary niantso an'ilay tafio-drivotra izy ireo. Ary, ankehitriny, na dia ilay tranolay goavana be nipetraka teo tahaka an’izao aza, oh oadray, handrakotra saiky vondron-tanana iray izany; ary izany dia voaorina, voaorina tamin’ny roasy-efatra, ary nipetaka nanerana azy fotsiny ny labasy. Niditra tao ambaniny tao ny rivotra ary nanainga azy fotsiny, tahaka an’izao. Ary io rivotra io, sy ny tselatra dia nanidina tahaka an’izao, nanohy nitory teny fotsiny aho.

<sup>205</sup> Ary, oh, niditra tao anatin’ny majia goavana iray izy ireo, nanohy ary nanohy tahaka an’izany, nanao tsianjery an'ireo teny kely masina ka hoy izy ireo hoe, “Ireo teny telo masina ambony: Ray, Zanaka, ary Fanahy Masina,” teo amin'ny lafiny roa tahaka an’izany. Avy eo dia nahita azy niankohoka aho, ary voahodidin’ny devoly teo, fa tsy voafatotra.

<sup>206</sup> Dia hoy aho tamin-dRahalahy Lowster hoe, “Aza adika izao.”

<sup>207</sup> Hoy aho hoe, “Rahalahy Arganbright, mivavaha fotsiny.”

<sup>208</sup> Hoy aho hoe, “Tompo Andriamanitra, Mpamorona ny lanitra sy ny tany, Ianao no naniraka ahy eto. Mameetraka ny tongotro eto amin’ity tany Alemany ity aho, amin'ny Anaran’i Jesosy Kristy, satria Ianao no naniraka ahy eto. Tsy manana fahefana amiko io

rahona io. Tsy manana izy, satria voahosotra aho ary nirahina eto ho an'ny famonjena an'ity vahoaka ity."

"Mandidy anao aho, amin'ny Anaran'i Jesosy, mba hiala eto."

<sup>209</sup> Ary ireo kotrokorana, nanao hoe, "Bang! Bang! Bang!" Nanao hoe, "Grrrrrrrrr," nihorona nanalavitra, ary teo ambonin'ilay tranolay mihitsy, nitsoka niverina; ary nihiratra ny masoandro.

<sup>210</sup> Tao anatin'ny folo minitra, dia nisy teo amin'ny iray alina teo nanodidina ny alitara sy ny sisa, niantsoantso famindrampo, nahita ny herin'Andriamanitra. Nahoana? "Lehibe Izzy izay ao anatinareo, noho izy izay ao amin'izao tontolo izao." Hitanareo?

<sup>211</sup> "Lehibe Izzy izay ao anatinareo, noho izy izay ao amin'izao tontolo izao." Hitanareo ve ireo fahoriania ao anatin'ilay zavatra, oh, rahalahy, ranabavy, tsy manana ahiahy anankiray mihitsy isika. Ny fahalehibeazana dia Andriamanitra, ary ao anatinareo Izzy. Mino an'izany ve ianareo? [Hoy ny fiangonana hoe, "Amena."—Mpand.]

<sup>212</sup> Ankehitriny dia lasa lavitra nihoatra ny fotoana aho. Mahery dimy ambin'ny folo minitra izao, eo ho eo, ny amin'ny sivy. Ary fantatroy fa tsy maintsy hamily fiara amin'ny lèlana lavitra ireto olona ireto.

Ndaio isika hanondrika ny lohantsika vetivety fotsiny.

<sup>213</sup> O Andriamanitra Ray, Ianao no mahafantatra mikasika an'i Colorado. Ianao no mahafantatra fa marina ireo zavatra ireo. Ary milaza an'ilay izy ho an'ny Voninahitao aho, mba ahafahan'ireo olona ireo hahafantatra. Taorian'ireo fanaporofoina siantifika rehetra, an'ireo sary, sy an'ireo asan'ny Fanahy Masina. Ary, Tompo, Ianao no mahafantatra fa Izzy... fa nilaza mazava tamin'ny olona aho, ary milaza foana, hoe satria Ianao no nampanantena an'izany. Ary eto Ianao, miezaka ny hahita olona iray izay Azonao hanamarinana ny Tenanao, hamela an'ireo hafa hahita fa velona Ianao, ary Ianao no tsy miova omaly, anio, ary mandrakizay. Mivavaka Aminao aho, Tompo, mba hamindra fo, sy hitari-dàlana ary hitarika anay ao amin'ny eritreritray.

<sup>214</sup> Misy ireo izay mipetraka eto izay marary sy ory. Misy angamba ireo izay mety ho faty raha tsy mahazo fanampiana avy Aminao. Maro amin'izy ireo, angamba, no eo amin'ny faran'ilay lèlana, ka tsy afaka manao na inona na inona intsony ireo dokotera. Ianao no Andriamanitra, ary Ianao no ilay tsy miova omaly, anio, ary mandrakizay. Ary eto Ny Fanatrehanao.

<sup>215</sup> Ary, Tompo, tsy fantatray io Sintona Fahatelo io, raha nitodika tamin'Izany izahay, hoe ho inona. Tsy fantatroy hoe inona. Fa zavatra anankiray no fantatray, hoe ny Sintona

Voalohany dia fahatanterahana. Ny Sintona Faharoa, izay dimy, dia fahasooavana.

Ary, Andriamanitra, mivavaka aho izao hariva izao mba Hanambaranao ny Tenanao aminay, taorian'ireo zavatra ireo, izay milaza hoe, "Izy izay ao anatinareo!" Ary Ianao no nilaza hoe, "Ireo asa izay Ataoko no hataonareo koa," ary nilaza fa tsy nanao na inona na inona Ianao raha tsy ny Ray no naneho Taminao.

<sup>216</sup> Ary hitanay izay Nataonao rehefa afaka niteny tamin'i Apostoly Petera Ianao hoe iza izy, iza no anaran'ny rainy. Niteny tamin'i Natanaela hoe inona ny asany, ahoana no nahatongavany mba ho eo, taiza izy tany aloha, inona no nataony. Niteny tamin'ilay vehivavy, teo amin'ny fantsakana, ny amin'ny fahotany sy izay naха-izy azy, niaina tao anatin'io fijangajangana io niaraka tamin'ireo lehilahy enina ireo; efa nanana dimy izy, ary ilay anankiray izay niarahany niaina ankehitriny dia tsy vadiny. Mbola ilay Andriamanitra tsy miova Ianao. Ianao no niteny . . .

<sup>217</sup> Toeran'i Bartimeo jamba ilay izy, raha nitsangana teo izy; kanefa, tao am-pony, dia nahazo fahitana iray izy, izay nahafahany nahita; hoe, raha izany no Jehovah voaseho tao amin'ny maha-Zanaka an'i Jesosy Kristy, dia afaka hahafantatra ny antsoantsony Izy. Dia niantsoantso mafy izy hoe, "Ianao ry Zanak'i Davida, mamindrà fo amiko!" Dia izany no nampijanona Anao, ary nitodika Ianao ka nanasitrana azy, O Ray, niteny taminy fa ny finoany no namonjy azy.

<sup>218</sup> Ilay vehivavy kely tsy ampy rà, tao anatin'io fitsiha-drà sy fiovam-piaianana io, ka tsy nety nijanona nandritry ny taona maro izany. Nandany ny volany rehetra tamin'ireo dokotera izy, nefy tsy nisy iray tamin'izy ireo afaka nanampy azy. Nandeha nankeo amin'ny iray tamin'ireo Fivorianaq izy raha niresaka tamin'ny lehilahy iray Ianao tany—tany Galilia, raha teo amin'ny Lâlanao nankany amin'ny tranon'i Jairo Ianao. Niteny tao am-pony io vehivavy kely io, tsy nisy Soratra iray nanohana an'izany hoe, "Raha afaka mikasika ny Akanjony fotsiny mantsy aho, izaho—mino aho fa ho salama." Dia nahazo ny faniriany izy rehefa nikasika ny Akanjonao. Ary niteny taminy Ianao fa ny finoany no nanao an'io, namelabelatra an'ireo nilainy, ka lasa salama izy.

<sup>219</sup> Nilazana izahay ao amin'ny Teny fa Ianao dia Mpisoronabe iray, izay mipetraka any amin'ny Avo, velona mandrakariva mba hanao fanelanelanana. Ary—ary dia Ianao koa, satria Mpisoronabe, amin'izao fotoana izao, izay azo kasihan'ny fahatsapan'ny fahalemenay. Tompo Andriamanitra, ekeo mba ny olona rehetra ato izao hariva izao mba . . . hanana tombontsoa amin'ny fikasihana Anao izao hariva izao, ilay Mpisoronabe

lehibe, ka ho salama. Ho an'ny Voniolahitr'Andriamanitra, no angatahako an'izany amin'ny Anaran'i Jesosy. Amena.

<sup>220</sup> Ankehitriny, izaho tsy . . . Misy karatra fangataham-bavaka ve? Izaho—niteny tamin'i Billy aho mba tsy . . . misy olona iray manana karatra fangataham-bavaka ve? Eny àry, marina izany, niteny taminy aho mba tsy hizara azy ireo. Nieritreritra aho fa mety ho ela kely aho angamba, raha izaho . . . oh, niresaka betsaka fotsiny aho. Saingy, jereo, hitanareo, ary ianareo no niteny tamiko, rehefa hoy aho hoe, "Hiezaka aho ny hivoaka amin'ny valo sy sasany," dia nihomehy ianareo, ary izaho—fantattro fa fantatrareo izay noresahanareo. Izaho—izaho dia . . . fa izaho—tiako ianareo. Hitanareo?

<sup>221</sup> Inona, inona no ezahako hatao, efa niezaka an'izao foana aho, ry sakaiza; tsy hisy olona iray hilaza mihitsy hoe, "Rahalahy Branham no nanao an'ity." Tsy afaka manao na inona na inona Rahalahy Branham. Hitanareo? Jesosy Kristy izany. Ary Izy izay ao anatiko no ao anatinareo. Tsy maintsy mino fotsiny ianareo. Tsy marina ve izany? Hitanareo? Izy izay ao anatinareo dia lehibe noho ny aretinareo.

<sup>222</sup> Olona firy ato no marary ao amin'ny vatany ankehitriny, ka tsy mahafantatra ahy, saingy mino ianareo fa manana finoana betsaka hikasika an'ilay Mpisoronabe, atsangano ny tànanareo, manaoa hoe, "Mino an'izany aho"? Eny àry. Oh, saiky hatraiza hatraiza, ireo tànana. Eny àry. Firy ato no mahafantatra ahy, ary mahafantatra fa tsy mahafantatra na inona na inona mikasika an'izay ilainareo aho, ka mila an'Andriamanitra hikasika anareo ianareo? Atsangano ny tànanareo. Hitanareo? Hitanareo? Eny àry.

<sup>223</sup> Am-pahatsorana, dia tsy misy olona ato izay fantattro ny zavatra mikasika azy, amin'izao fotoana ankehitriny izao mihitsy, hoe marary. Fa ity zazalahy mipetraka eto ity, fantattro izy. Efa nivavaka ho azy aho, imbetsaka. Tsy afaka mieritreritra ny anarany aho, fa avy any Kentucky any izy. Manoratra ho ahy foana izy, sakaiza manokana an-dRahalahy sy Ranabavy Wood sy izy ireo, ary tonga eto. Fa nanatrika ny fivoriana nandritry ny ela, fotoana ela izy. Io irery ihany no olona izay fantattro.

<sup>224</sup> Ankehitriny, Rahalahy Dauch, araka ny fantattro, dia mety tsara, raha tsy izany dia tsy ho nipetraka teto izy. Tena narary izy indray andro, fa ny Tompo no nanasitrana azy.

<sup>225</sup> Tsy fantattro ity olona ity. Ary tsy fantattro hoe an'iza ireto tehina eto ireto; angamba ilay olona izay ao anatin'ilay sez. Izaho—tsy fantattro.

Ary izaho—fantattro ny maro aminareo. Fa Andriamanitra any An-danitra dia mahafantatra, fa amin'ity fotoana ity, dia tsy mahafantatra an'izay ilainareo aho. Tsy manana hevitra aho. Karazany sarotra kely ilay izy ato amin'ny tabernakla, satria, hitanareo, mahafantatra olona betsaka aho.

<sup>226</sup> Ankehitriny izao ilay izy. Rehefa tonga eo amin'ny toerana iray ianareo... Ankehitriny, tonga eto aho, indraindray, ka hoy aho hoe, "Eny àry, hanome karatra iray ho an'ny olona rehetra izahay ary handahatra azy ireo. Miakara eto amin'ny lampihazo." Handeha hiala ny olona iray... Ankehitriny ianareo tsy afaka...

Ankehitriny, ry sakaiza, hanokatra ny foko aho ka hiteny zavatra iray aminareo. Tsy afaka manafina an'izany ianareo. Izay eritreretinareo fotsiny, fantatro izany. Marina izany. Fantatro izay eritreretinareo. Hitanareo? Ary indraindray dia hoy ianareo hoe, "Rahalahy, mino aho." Nahoana, eny, mino eo amin'ny fetra iray ianareo. Hitanareo? Hitanareo? Fantattro.

<sup>227</sup> Ary eto mihitsy, rehefa izaho, izao ankehitriny izao mihitsy, dia tonga eo amiko mihitsy ilay hosotra, hitanareo. Ary afaka mahatsapa fotsiny an'io fidoboboboka io aho, tahaka an'izany, fidoboka iray, hitanareo, fitempo iray avy amin'ny toerana samihafa. Hitanareo?

Fa ankehitriny dia aza—aza tsi-mino intsony. Minoa ny Hafatra rehetra. Mino an'Izany. Raha tsy izany, raha tsy voasoratra ao amin'ny Baiboly izany, amin'izay fotoana izay dia aza mino an'izany. Fa raha ao anatin'ny Baiboly Izany, amin'izay fotoana izay dia ny Fanahy Masina izay velona ao anatintsika no voatery hanao an'izany raha mino an'Izany isika. Marina ve izany? [Hoy ny fiangonana hoe, "Amena."—Mpand.]

Fantattro fa sarotra izany. Hitanareo, tsy misy na inona na inona tonga mora.

<sup>228</sup> Sarotra ho Azy ny ho faty, mba hahatonga an'ity ho voatolotra anareo. Sarotra ho Azy ny nandeha nankany Kalvary; te-hijanona Izy, hany ka niantsoantsi mihitsy aza Izy hoe, "Tsy ny Sitrapoko, fa ny Anao no aoka hatao." Hitanareo? Hitanareo? Tsy te-handeha Izy; Lehilahy tanora iray Izy, ary nanana an'ireo Rahalahiny Izy. Tiany izy ireo tahaka ny itiavako anareo mihitsy. Fa Izy—tsy afaka ho velona Izy, ary izy ireo ho velona ihany koa, noho izany dia maty Izy mba ahafahantsika ho velona. Tsy mora izany. Tsy maintsy Nataony izany. Jereo hoe fahafatesana iray toy ny inona no nipetraka teo Anatrehany hoe, "Ray, tonga ny ora, ka hivavaka ve Aho mba Hanesoranao Amiko an'ity kapoaka ity? Tsia." Tsy te-hanao an'izany Izy; Tiany mba ny sitrapon'Andriamanitra no hataao.

<sup>229</sup> Ankehitriny, jereo, raha hino an'ilay zavatra iray ihany ianareo! Ankehitriny, aza—aza—aza manaloka an'Izany, mihitsy. Minoa fotsiny an'izany. Mino an'izany tokoa mihitsy. Aza misalasala. Minoa an'izany.

<sup>230</sup> Raha mitondra ny olona ao anatin'ny laharam-bavaka iray aho, ka hoy aho hoe, "Eny àry, ankehitriny ity olona ity, fantatrala fa tsy mahafantatra anao aho."

<sup>231</sup> "Tsia, marina izany, Rahalahy Branham."

<sup>232</sup> Amin’izay fotoana izay eo mihitsy dia hahatratra olona iray ianareo izay manao hoe, “Ah-hah, saingy mamaky an’izay napetrak’izy ireo tao anatin’io karatra fangataham-bavaka io izy! Fifandraisana ara-tsaina!” Hanao an’izany fotsiny marina tokoa ilay izy.

<sup>233</sup> Avy eo dia hilaza aho hoe, “Eny àry, ankehitriny amin’ity Alahady ity dia tsy hizara karatra fangataham-bavaka izahay. Tiako ny olona rehetra eto, izay vahiny, tsy mbola teto mihitsy tany aloha, mitsangàna ianareo.” Hitanareo? Ary—ary amin’izay fotoana izay dia hitodika avy hatrany ny Fanahy Masina ka hamantatra an’izay rehetra ao anatin’izy ireo. Hitanareo? Marina ve izany? [Hoy ny fiangonana hoe, “Amena.”—Mpand.] Mahita an’izany amin’ny lafiny roa ianareo.

<sup>234</sup> “Oh, eny, misy zavatra tsy mety ao amin’io.” Hitanareo? Hitanareo? Eo, tsy misy fomba, ianareo—ianareo—ianareo tsy afaka... Hitanareo, raha mbola afaka manana fihazonana foana i Satana, dia hanao anareo hino ny zavatra rehetra izy.

Ary haneho aminareo ny fahadisoana rehetra izay ananako izy, ary manana betsaka azy ireny aho izay azony aseho anareo. Aza mijery an’izany ianareo! Aza mijery an’izany ianareo. Olona iray aho. Hitanareo? Fa, tsarovy, ity Tenin’Andriamanitra ity no Fahamarinana, ary miezaka ny miaina amin’ny alàlan’Izany aho.

<sup>235</sup> Raha mandeha eto aho ka manomboka manao zavatra ratsy, izay tsy tsara izany, manota, sy misotro, ary, na mifoka, na—na manao zavatra izay tsy tsara, ianareo—tongava ianareo ka antsoy aho, satria izany—tsy mety izany. Izaho—te-hiala amin’izao tontolo izao aho amin’izay fotoana izay. Izaho tsy... Te-hiala alohan’ny hitrangan’izany aho. Hitanareo? Tsy te-hanao an’izany aho.

<sup>236</sup> Fa raha mbola miezaka ny miaina amin’izay tsara aho sy manao an’izay tsara, hitanareo, ka niezaka ny miaina tahaka ny tokony hataon’ny Kristiana iray, ary avy eo dia mamela an’Andriamanitra haka Ny Teniny ka mandre ahy manohana an’Izany. Na dia sakaiza maro aza no vidin’Izany ho ahy sy laza an’izao tontolo izao, ary ireo zavatra tahaka an’izany, ary ankahalain’ny maro, sy ireo anaram-piangonana, voaroaka, dia mbola te-ho marina amin’ity Teny ity foana aho. Izany no Tenin’Andriamanitra, ary tiako Andriamanitra. Koa izany no Tenin’Andriamanitra, ary izaho—teneniko aminareo fa, “Izy no tsy miova omaly, anio, ary mandrakizay,” ary ao anatintsika Izy ankehitriny. Ary raha ny...

<sup>237</sup> Ankehitriny, raha ny fiainan’i Shakespeare no tato anatiko, velona ato anatiko, raha i Shakespeare no velona tato anatiko, dia tsy hanao an’ireo asan’i Shakespeare ve aho? Raha i Beethoven no ato anatiko, dia tsy hanao an’ireo asan’i Beethoven ve aho? Raha ny fanahin’i Dillinger no tato anatiko, raha i John Dillinger no velona tato anatiko, dia tsy ho John Dillinger iray ve

aho? Raha i Beethoven ve no tato anatiko, dia ho Beethoven iray aho? Hitanareo? Raha i Castro ve no tato anatiko, dia ho Castro iray aho? Hitanareo?

Ary raha Jesosy Kristy no ato anatiko, dia ireo Asany no hataoko, satria Izy izany. Ary tsy nilaza ve Izy fa ilay zavatra iray ihany no hiseho? Hitanareo? [Hoy ny fiangonana hoe, "Amena."—Mpand.]

<sup>238</sup> Ankehitriny dia inona no Hataony raha nitsangana teto Izy, raha Izy no tsy miova omaly, anio, ary mandrakizay? Hoy Izy hoe, "Izay asehon'ny Ray Amiko irery ihany no Azoko atao." Marina ve izany? Eny, tahaka an'izany no Nanaovany azy omaly.

Ankehitriny tsy miova ve Izy? Ahoana ny amin'ny aretina? Efa voaloa ny vidinareo. Ny tsirairay avy aminareo diaefa sitrana tamin'ny aretinareo. Marina ve izany? [Hoy ny fiangonana hoe, "Amena."—Mpand.] Satria izay... Ny tsirairay avy aminareo dia voavela, saingy tsy maintsy manaiky an'izany ianareo. Ny tsirairay avy aminareo dia sitrana, saingy tsy maintsy manaiky an'izany ianareo.

<sup>239</sup> Ankehitriny, mba hanaporofoina fa Izy no tsy miova omaly, anio, ary mandrakizay. Raha nitsangana teto Izy, Izy dia tsy afaka hanasitrana anareo, mihitsy, miaraka amin'ny tsi-finoanareo. Tsy maintsy ho nino an'izany ianareo, tahaka ny tsy maintsy inoanareo an'izany izao ankehitriny izao mihitsy. Tsy maintsy ho toy izany ilay izy, hitanareo. "Satria, maro ireo asa lehibe izay tsy Azony natao tamin'ny Androny, nohon'ny tsi-finoan'izy ireo." Marina ve izany? Maro ireo asa lehibe izay tsy Azony atao amin'izao andro izao, nohon'ny tsi-finoana.

<sup>240</sup> Ankehitriny, Iza no afaka niteny mialoha an'itsy? Andriamanitra. Iza no nilaza an'ity? Andriamanitra. Iza no nilaza an'itsy? Andriamanitra. Iza no nilaza hoe aiza ilay bera, diera, ombimanga, ireo zavatra hafa rehetra ireo, ary ilay fito... ireo—ireo zavatra rehetra izay nitranga ireo? Iza no nilaza an'izany? Izy, Kristy, izay ao anatintsika, maminany ny Tenany amin'ny alàlantsika, manambara ny Tenany fa Izy no tsy miova omaly, anio, ary mandrakizay.

Iza no nampijanona an'ireo rivotra? Iza no namorona an'ireo vontsira? Ilay Anankiray ihany izay namorona ondrilahy iray ho an'i Abrahama, rehefa ny... niantsso Azy hoe "Jehovah-jire." Mbola mihatra Aminy ireo anaram-panavotana mitambatra. Mbola Jehovah-jire foana Izy, "ny Tompo dia afaka manomana Fanatitra iray ho an'ny Tenany."

<sup>241</sup> Ankehitriny, ny tsirairay avy aminareo, izaho—mila ny fahatsoram-ponareo lalina indrindra aho ankehitriny. Raha tena hino tokoa amin'ny fonareo rehetra ianareo, dia tsy hisy olona malemy iray eto anivontsika, manomboka amin'ny fotoana izay ihodinan'io famantaranandro io dimy minittra amboniny. Tsy

hisy olona iray izay tsy ho eo amin'ny tongony eto, eny, raha hino an'izany fotsiny ianareo. Afaka hino ve ianareo?

<sup>242</sup> Ankehitriny dia ndao jerentsika ankehitriny raha ho tonga eo amintsika Izy ka hanambara ny Tenany, raha manondrika ny lohantsika isika.

<sup>243</sup> Tompo Jesosy, manampia ahy Ianao ankehitriny. Ary hankatô Anao aho, Tompo, amin'izay fantattro rehetra. Mamelâ ny fahotako sy ny heloko. Mivavaka amin'ny Anaran'i Jesosy aho. Amena.

<sup>244</sup> Ankehitriny ndao alaintsika ity ilany eto ity, olona iray ato. Minoa, manàna finoana, aza misalasala! Olona iray izay tsy mahafantatra ahy, raha azo atao. Tsy afaka milaza aho hoe aiza no andehanan'ilay fahitana. Tsy maintsy mandinika Azy fotsiny aho. Ary raha tena Izy no manao an'izany, amin'izay fotoana izay dia ho fantattrareo izany, na marina ilay izy na tsia. Minoa fotsiny ianareo, ary aza misalasala. Raha hanao an'izany Izy, dia hino ve ianareo, hitanareo, taorian'ity izay vita rehetra androany ity? Hitanareo? Ekeo fotsiny ny fahasitrananareo, hitanareo. Manaova hoe, "Tompo, mikasika an'i Jesosy Kristy aho ankehitriny. Mino aho." Ankehitriny dia enga anie hanaiky an'izany ilay Andriamanitry ny Lanitra.

<sup>245</sup> "Lehibe Izy izay ao anatinareo, Kristy, noho izy izay ao amin'izao tontolo izao." Ankehitriny, ao amin'ny fivoriana, rehefa mikasika Azy isika, dia mampitaratra ny Tenany indray Izy; tahaka an'ilay vehivavy izay nikasika an'Andriamanitra, tamin'ny alàlan'i Kristy, ka nampitaratra indray an'ireo nilainy.

<sup>246</sup> Mahita aho ankehitriny ery amin'ny zoron-trano iray eto, toy ny hoe lehilahy iray ilay izy, tena matotra izy. Tsia, tsy izany ilay izy. Vehivavy iray ilay izy mivavaka ho an'ny lehilahy iray, ary tsy eto ilay lehilahy. Fa vehivavy iray izany. Hitako fa io vehivavy io... Izany dia ny—ny rainy, ary eo am-pahafatesana miaraka amin'ny homamiadana izy. Ary tena matotra. Tsy eto ilay lehilahy. Any amin'ny toeran-kafa iray izy. Tsy ity firenena ity ilay izy, na izany aza. Izany dia, any Georgia izy.

Manohiza mivavaka fotsiny. Mino amin'ny fonareo rehetra ve ianareo ankehitriny? [Hoy ny fiangonana hoe, "Amena."—Mpand.] Manohiza mivavaka fotsiny, hitanareo.

Ny anaran'ilay vehivavy, izay mivavaka, dia Rtoa. Jordan. Tsy avy any Georgia izy. Avy any Carolina Avaratra izy. Raha marina izany, ramatoa, dia mitsangâna. Marina, ny fahamarinana tanteraka. [Hoy ilay anabavy hoe, "Misaotra Andriamanitra! Misaotra Andriamanitra!"—Mpand.] Ho an'izany ve no nivavahanao? ["Eny, tompoko; ny dadako."] Eny àry. Eny àry. [Manohy miresaka ny amin'ny rainy ilay anabavy.]

Mino ve ianao, fa, “Izy izay ao anatinao dia lehibe noho izy izay ao amin’izao tontolo izao”? [Hoy ilay anabavy hoe, “Mino aho.”—Mpand.] Mino ve ianao fa Izy izay . . .

<sup>247</sup> Jereo, inty ny zavatra hafa iray. Efa nahazo fiofanana lehibe iray ianao tamin’ny andronao fahiny, na zavatra hafa iray, satria toy ny hoe ianao dia nifangaro na tao amin’ny karazana Kristiana iray . . . Tsy mpitoriteny iray ve ny rainao, na olona iray tahaka an’izany, ny sasany amin’ireo havanao, na zavatra iray? [Hoy ilay anabavy hoe, “Ny vadiko.”—Mpand.] Ny vadinao, izany ilay izy. Afaka mahita olona iray mitsangana eo akaikinao aho, mitory ny Filazantsara, ary efa tao amin’ny fiangonana iray ianao. Izy dia nifandray taminao. [“Deraina ny Tompo!”] Eny àry, eo ianao izao.

Ankehitriny, ilay ramatoa dia tsy fantatro, fa Andriamanitra no mahafantatra an’ilay vehivavy.

<sup>248</sup> Ankehitriny, manana zavatra iray ve ianao ao anatin’ny poketranao, mosara kely iray na zavatra iray ao? Eny àry, noho izany ianao dia ape- . . . Rehefa mipetraka ianao, dia apetraho eo amin’io mosara io ny tànanao, ary aza misalasala, fa Izy izay ao anatinao dia lehibe noho izy izay mamono ny dadanao. Minoa amin’ny fonao rehetra, dia ho tanteraka arak’izay inoanao izany.

<sup>249</sup> Ankehitriny, dia te-hanontany zavatra aminareo aho. Tsy fantatro itsy vehivavy itsy. Araka ny fantatro, dia izao no fotoana voalohany, heveriko, izay hany nahitako azy. Fa mipetraka eo izy ao anatin’ny toeran’ny famoizam-po, mivavaka. Ary ilay tena Andriamanitra mihitsy izay afaka nitodika ka niteny tamin’ilay vehivavy mikasika ny fitsiha-dràny, no mbola ilay Andriamanitra iray ihany izay eto, maneho fa Izy izay ao anatinareo dia nandresy an’izao tontolo izao. Mino ve ianareo? [Hoy ny fiangonana hoe, “Amena.”—Mpand.] Raha manana finoana fotsiny ianareo, aza misalasala.

<sup>250</sup> Miresaka ny amin’ny homamiadana, mahita an’io aloka maity io indray aho. Eo ambonin’ny vehivavy iray izany, mipetraka *eto* mihitsy. Tratry ny homamiadana eo amin’ny tenda izy, ary ao anatin’ny toerana ratsy iray. Ary efa nivavahana izy, ka niezaka ny hanaiky ny fahasitranany. Rtoa. Burton, raha hino ianao! Tsy fantatro ilay vehivavy. Fa raha hino amin’ny fonao rehetra ianao . . . Marina tokoa, ilay zavatra . . .

Mamelà ahy hanazava an’ity aminao, izay ezahanao hatao. Very ny feonao, avy amin’io, ary miezaka mivavaka ianao mba hiverenan’ny feonao. Marina ve izany? Ahofahofaho tahaka an’izao ny tànanao. Ankehitriny, vahiny iray amiko ilay vehivavy. Tsy mahafantatra azy aho. Hitanareo ve izy? Marina izany. Io, io izy. Hitanareo? “Lehibe Izy izay ao anatinao, ny finoana izay afaka mikasika Azy, noho izy izay ao amin’ny tendanao.”

Mino amin'ny fonareo rehetra ve ianareo? [Hoy ny fiangonana hoe, "Amena."—Mpand.]

<sup>251</sup> Ranabavy Larsen, tena fantattro ianao. Izy no tompon-tranoko. Fa, Ranabavy Larsen, efa tany amin'ny dokotera iray ianao na zavatra iray, zavatra hafa iray. Hanao fandidiana iray ianao. Marina izany. Tsy marina ve izany? Lehibe Izzy izay ao anatinao, Ranabavy Larsen, noho izy izay ao amin'izao tontolo izao. Hoy Jesosy hoe, "Vahiny iray Aho, fa ianareo no nandray Ahy. Arak'izay nataonareo tamin'ireo madinika kely ireo, ireo Madiniko, no nataonareo Tamiko."

O Ray any An-danitra, mamindrà fo!

<sup>252</sup> Inona no heverinao? Ianao dia hanao fandidiana iray, ihany koa. Vahiny amiko ianao. Marina ve izany? [Hoy ilay anabavy hoe, "Eny."—Mpand.] Tsy avy eto ianao. ["Fantattro ianao, fa ianao tsy mahafantatra ahy."] Fantatraq aho, fa izaho tsy mahafantatra anao. ["Tsy mahafantatra ahy ianao."] Fa Andriamanitra mahafantatra anao. Mino an'izany ve ianao? ["Eny, mino aho."] Hanao fandidiana iray ianao. Tsy mipetraka eto ianao. Any akaikin'i Bedford ianao, Springville, zavatra tahaka ny . . . Any ilay izy, Springville. Rto. Burton . . . Tsia, tsia, mamele ahy, tsy izany no tiako ho lazaina. Rto. Parker, izany no anaranao. Sa tsy izany? Lehibe Izzy izay ao anatinao, noho izy izay miezaka hamono anao. Marina ve izany? Mino amin'ny fonao rehetra ve ianao? Noho izany dia tsy hila ny fandidianao ianao, raha mino.

<sup>253</sup> Inona no heverinao amin'izany rehetra izany, ranabavy? Tsy mahafantatra anao aho. Vahiny amiko ianao. Mino ahy ho Mpaminaniny ve ianao? [Hoy ilay anabavy hoe, "Mino an'izany aho."—Mpand.] Mino ianao. Misaotra anao. Hanaja an'izany Andriamanitra. Ianao no Rto. White. Avy any Fort Worth ianao, Texas. Tratry ny aretin-kozatra ianao, toerana mikorontantsaina. Tena marary ianao. Tsy misy fanantenana ho anao, raha mikasika ny siansa ara-pitsaboana. Ny vadinao, manana ilaina ara-panahy iray izy izay ivavahany. Manana zanakalahy iray ianao eo, tratry ny aretina izy ao an-damosiny, ary aretim-po. Manana zazalahy kely iray ianao eo amin'ny lohaliny. Manana karazana fiteny iray ilay zazalahy kely izay ivavahanao. Raha marina izany, dia atsangano ny tànanao. [Hoy ilay vady hoe, "Marina izany. Ireo no ilainay."]

"Lehibe Izzy izay ao anatinareo, noho izy izay ao amin'izao tontolo izao." Mino an'izany ve ianareo? [Hoy ny fiangonana hoe, "Amena."—Mpand.] Amin'ny fonareo rehetra ve? ["Amena."] Amin'izany rehetra izany? ["Amena."]

Ankehitriny dia ndao isika hanondrika ny lohantsika.

<sup>254</sup> Ankehitriny dia nandalo nanerana ny tranobe Izzy. Noporofoiny taminareo fa Izzy no Andriamanitra. "Lehibe, ity Izzy izay ao anatinareo ity, noho izy izay ao amin'izao tontolo

izao.” Ny Tompo Andriamanitra izany. Ankehitriny, Izy izay ao anatinareo, aoka Izy no hahazo an’ireo faratampony. Aoka Izy no hanana ny teny farany an’ny—an’izay ianareo . . .

Lazao ao am-ponareo izao ankehitriny izao, raha vitanareo, amin’ny fonareo rehetra, ka minoa an’izany hoe, “Ilay aretina izay tao amin’ny vatako dia lasa.” Hitanareo? “Tsy ory intsony aho. Tsy manana aretina intsony aho. Izy izay ato anatiko dia lehibe noho izy izay ao amin’ny vatako. Izy izay ao anatin’ny foko dia lehibe noho izy izay ao amin’nynofoko. Noho izany, Izy izay ao anatin’ny foko no namorona ny lanitra sy ny tany. Nynofoko dia efa nosimbain’i Satana, fa tempoly iray hiveloman’ny Fanahy Masina aho. Noho izany, Satana, mandidy anao aho hiala amin’ny vatako. Amin’ny Anaran’i Jesosy Kristy, mivoaha avy ao amiko.” Hitanareo? Mino an’izany ve ianareo? [Hoy ny fiangonana hoe, “Amena.”—Mpand.]

Ankehitriny dia ndao isika rehetra hivavaka amin’ny fombantsika manokana ankehitriny, ny tsirairay avy, raha mivavaka ho anareo aho.

<sup>255</sup> Andriamanitra Tsitoha, ilay Mpamorona ny lanitra sy ny tany, ilay Mpanao ny fiainana, ilay Mpanambara ny tsiambaratelon’ny fo, hoy Ianao hoe, “Ny Tenin’Andriamanitra dia maranitra noho ny sabatra roa lela, ary Mpamantatra iray mihitsy aza an’ireo eritrerity ny saina.”

<sup>256</sup> Izany no antony, rehefa tonga nofo ny Teny, dia Fantany izay noeritreretin’izy ireo, raha nahita ny eritreritr’izy ireo Izy. Izy no Teny, ary ny Teny dia nahafantatra ny tsiambaratelon’ny fon’izy ireo.

Ary mbola ilay Teny iray ihany foana io Teny io. Ary izao hariva izao dia hitanay Izany nanambara ny Tenany taminay, taorian’ny roa arivo taona, satria Izy no nanoratra an’Izany teo amin’ny taratasy ary eto manamarina an’izany, maneho an’izany, fa marina Izany.

<sup>257</sup> Indro mipetraka eto ireo mosara. Hatraiza hatraiza ireo olona marary. Mivavaka aho mba ilay Fanahy Masina lehibe izay manatrika, izay maneho an’ireo zavatra ireo, izay miteny an’ireo zavatra ireo, ary tsy diso mihitsy, fa izay marina, tsy mety diso Izany na indray mandeha aza, satria Andriamanitra Izany. Aoka Izy hanosotra an’ireto mosara ireto amin’Ny Fanatrehany, ka hanasitrana ny olona marary rehetra izay ametrahana azy ireo. Ary ilay Andriamanitra Izay afaka ny ho velona, taorian’ny roa arivo taona, ka afaka namorona ny Tenany tao anatin’ny fon’ireo mpanota izay voaavotra nohon’ny fahasoavana sy ny finoana, ary afaka niteny Ny Teniny Manokana tamin’ny alàlan’ireo molotra mety maty, ary mandinika an’izany mitranga arak’izay Nampanantenainy marina tokoa.

<sup>258</sup> O Tompo Andriamanitra, mangataka Aminao aho mba hamindra fo aminay. Ary enga anie ny lehilahy sy ny vehivavy

rehetra izay mipetraka manatrika, izay tratry ny karazana aretina iray na fahoriana; ary tahaka an'i Mosesy nanjera ny tenany teo amin'ilay elanelana, ho an'ny vahoaka, dia izao hariva izao no ametrahako ny foko eo Anatrehanao, Tompo. Ary miaraka amin'ny finoana rehetra izay ananako, izay ao Aminao, izay Nomenao ahy, no omeko azy ireo. Tahaka ny nolazain'i Petera teo amin'ny vavahady nantsoina hoe Itsaraendrika hoe, "Izay ananako, no omeko anao. Amin'ny Anaran'i Jesosy Kristy avy any Nazareta, mitsangàna ary mandehana." Fa nandringa ilay lehilahy ary—ary naлемy nandritry ny fotoana vitsy, saingy, vao nihazona azy izy ireo, dia nahazo hery ireo taolan-kitrony. Ary niditra tao amin'ny Tranon'Andriamanitra izy, nitsambikina, sy nidera ary nisaotra an'Andriamanitra.

<sup>259</sup> Ianao no tsy miova omaly, anio, ary mandrakizay. Ary hoy ny Apostolin'y hoe, "Izay ananako, no omeko anao." Ny finoana izany. Ary milaza aho hoe: izay ananako, no omeko an'ity mpanatrika ity! Amin'ny Anaran'i Jesosy Kristy avy any Nazareta, lavo ny aretinareo, satria lehibe Izy izay ao anatinareo, noho ny devoly izay miezaka maka ny ainareo. Zanak'Andriamanitra ianareo. Ianareo no ilay voaavotra.

<sup>260</sup> Mandidy an'io Satana io aho hiala amin'ity vahoaka ity. Enga anie ilay Andriamanitra Izay nampihorona niverina an'ilay tafio-drivatra indray andro, ilay Andriamanitra Izay nampitsahatra an'ireo rivotra sy ireo onja, enga anie Izy hahita fa nesorina tamin'ireto vahoaka ireto ny aretina, ka ny herin'i Kristy no tonga voaseho eo amin'ny fiainan'izy ireo amin'ity ora ity. Enga anie ny mpanota rehetra hibebaka. Enga anie ny olona rehetra, izay tsy akaiky Anao, hahitsy avy hatrany amin'ity ora ity. Ary enga anie ho tanteraka izany, amin'ny Anaran'i Jesosy Kristy.

<sup>261</sup> Izaho, amin'ny maha-pasiteranareo, rahalahinareo, miaraka amin'ny finoana izay ananako, dia nangataka tamin'Andriamanitra aho mba hametraka an'izany ao aminareo. Mino aho fa hahazo an'izay nangatahako aho. Ankehitriny raha hino an'izany miaraka amiko ianareo; miaraka amin'ny finoana izay ananako, no omeko anareo ho an'ity ora ity.

Ary ankehitriny, amin'ny Anaran'i Jesosy Kristy, ilay Zanak'Andriamanitra, dia lavo ny fahorianareo, ny aretinareo, ka lazao izany hoe, "Tsy maintsy mandeha ianao," satria manana ny finoanareo ianareo, miampy ny finoako, miaraka amin'ny herin'i Jesosy Kristy, Izay ny manerana dia eto mba hanamarina an'izany sy hanaporofa fa eto Izy, hanao anareo ho salama amin'ity fotoana ity.

<sup>262</sup> Mino an'izany ve ianao, ramatoa, mandry eo amin'io fitondra-marary io? [Hoy ilay anabavy hoe, "Marina izany."—Mpand.] Na dia ireo hozatrazo aza no hitovy amin'izay iantsoan'izy ireo azy hoe, sclérose sy ny sisa, dia afaka mandeha

ianao raha hanandrana. Mitsangàna, amin'ny Anaran'i Jesosy Kristy. Ampio izy eo. Indro izy fa mandeha. Tsy mino ve ianareo? Ny sisa aminareo, mitsangàna. Nandray hery ny taolan-kitrony.

Ankehitriny dia ndao isika hanangana ny tènantsika ka hanome Azy ny dera.

<sup>263</sup> Jehovah Andriamanitra Lehibe, amin'ny Anaran'i Jesosy Kristy, no ametrahanay ny tenanay Amino ho an'ny fahasitranana. Amena.



*IZY IZAY AO ANATINAREO* MAG63-1110E  
(He That Is In You)

Ity Hafatr'i Rahalahy William Marrion Branham ity, izay notoriana tamin'ny Teny Anglisy hatrany am-piandohany ny Alahady hariva, 10 Novambra 1963, tao amin'ny Branham Tabernacle ao Jeffersonville, Indiana, U.S.A, dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2017 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)